



www.qbz.gov.al

FLETORJA ZYRTARE E REPUBLIKËS SË SHQIPËRISË

Botim i Qendrës së Botimeve Zyrtare

Viti: 2016 – Numri: 141

Tiranë – E premte, 29 korrik 2016

PËRMBAJTJA

	Faqe
Vendim i Këshillit të Ministrave nr. 524, datë 20.7.2016	Për organizimin dhe funksionimin e Sekretariatit Teknik të Këshillit Kombëtar të Ujit..... 11277
Vendim i Këshillit të Ministrave nr. 525, datë 20.7.2016	Për financimin nga Fondi Shqiptar i Zhvillimit të fazës përgatitore të projektit të Bankës Botërore “Për zhvillimin e integruar urban dhe ekonomik”..... 11277
Vendim i Këshillit të Ministrave nr. 526, datë 20.7.2016	Për një ndryshim dhe disa shtesa në vendimin nr. 23, datë 20.1.2016, të Këshillit të Ministrave, “Për përcaktimin e numrit të punonjësve me kontratë të përkohshme për vitin 2016 në njësitë e qeverisjes qendrore”, të ndryshuar..... 11278
Vendim i Këshillit të Ministrave nr. 528, datë 20.7.2016	Për një ndryshim në vendimin nr. 336, datë 4.5.2016, të Këshillit të Ministrave, “Për transferimin e aksioneve të shoqërive të tregjeve të tregtimit me shumicë dhe pakicë të fruta-perimeve të njësitë e qeverisjes vendore”..... 11279
Vendim i Këshillit të Ministrave nr. 529, datë 20.7.2016	Për shpërblimin e pronarëve të pasurive të paluajtshme, pronë private, për sipërfaqet takuese që preken nga ndërtimet informale..... 11279
Vendim i Këshillit të Ministrave nr. 531, datë 20.7.2016	Për miratimin e kontratës shtesë të koncesionit “Për disa ndryshime dhe shtesa në kontratën e koncesionit të formës “BOT” (ndërtim- operim-transferim), për ndërtimin e hidrocentraleve në rrjedhën e lumit Mat: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli””, miratuar me vendimin nr. 673, datë 3.10.2012, të Këshillit të Ministrave..... 11294
Vendim i Këshillit të Ministrave nr. 532, datë 20.7.2016	Për mbulimin e shpenzimeve të mjekimit të z. Deniz Tufna..... 11298

Vendim i Këshillit të Ministrave nr. 533, datë 20.7.2016	Për shpronësimin, për interes publik, të pronarëve të pasurive të paluajtshme, pronë private, që preken nga realizimi i projektit “Rikonstruksion dhe rikualifikim urban i lulishtes perëndimore dhe suplementi i sheshit qendror “Teodor Muzaka””, Berat.....	11298
Vendim i Këshillit të Ministrave nr. 534, datë 20.7.2016	Për shpronësimin, për interes publik, të pronarëve të pasurive të paluajtshme, pronë private, që preken nga ndërtimi i segmentit rrugor “Unaza e madhe Tiranë (Komuna e Parisit–Rruga e Kavajës) shtesa”.....	11299
Vendim i ministrit të Zhvillimit Ekonomik, Turizmit, Tregtisë dhe Sipërmarrjes nr. 5813, datë 15.7.2016	Për delegim kompetence.....	11301
Urdhër i Bankës së Shqipërisë nr. 3762, datë 18.7.2016	Për miratimin e propozimit të Këshillit Drejtues të Agjencisë së Sigurimit të Depozitave.....	11301
	Vendim (<i>i shkurtuar</i>) për shpalljen të zhdukur të shtetasit Denis Jangulli.....	11315

**VENDIM****Nr. 524, datë 20.7.2016****PËR ORGANIZIMIN DHE
FUNKSIONIMIN E SEKRETARIATIT
TEKNIK TË KËSHILLIT KOMBËTAR
TË UJIT**

Në mbështetje të nenit 100 të Kushtetutës, të neneve 8, pika 1, shkronja “b”, e 11, të ligjit nr. 111/2012, “Për menaxhimin e integruar të burimeve ujore”, të nenit 6, të ligjit nr. 90/2012, “Për organizimin dhe funksionimin e administratës shtetërore”, dhe të ligjit nr. 152/2013, “Për nëpunësin civil”, të ndryshuar, me propozimin e Kryeministrit, Këshilli i Ministrave

VENDOSI:

1. Sekretariati Teknik i Këshillit Kombëtar të Ujit, si organ ekzekutiv i Këshillit Kombëtar të Ujit, është institucion qendror, person juridik publik, me seli në Tiranë, në varësi të Kryeministrit.

2. Misioni i Sekretariatit është ndërtimi i një sistemi të integruar të qeverisjes dhe menaxhimit të burimeve ujore, me qëllim përmbushjen e të gjitha nevojave jetësore, duke mbajtur në vëmendje qëndrueshmërinë e ekosistemeve dhe duke nxitur konkurrueshmërinë e përdorimeve dhe priorizimin drejt përfitueshmërisë ekonomike.

3. Funksionet dhe kompetencat e Sekretariatit Teknik të Këshillit Kombëtar të Ujit janë ato të përcaktuara në ligjin nr. 111/2012, “Për menaxhimin e integruar të burimeve ujore”.

4. Detyrat dhe objektivat e Sekretariatit Teknik të Këshillit Kombëtar të Ujit, në cilësinë e sekretariatit teknik të Grupit të Menaxhimit të Integruar të Politikave - GMIP (KKU) në fushën e menaxhimit të integruar të ujit janë, si më poshtë vijon:

a) Udhëheq procesin e vendosjes së objektivave strategjikë të sektorit;

b) Udhëheq procesin e menaxhimit të integruar të burimeve njerëzore, financiare dhe aseteve të sektorit;

c) Mirëmban inventarin e përditësuar të të gjitha programeve të asistencës financiare dhe projekteve të sektorit;

ç) Organizon takimet e GMIP-së dhe nën-grupeve tematike;

d) Udhëheq procesin e hartimit dhe miratimit të matricës unike të prioritizimit të projekteve të sektorit;

dh) Koordinon të gjitha palët e përfshira në procesin e përgatitjes dhe zbatimit të Planit Kombëtar Sektorial.

5. Sekretariati Teknik i Këshillit Kombëtar të Ujit financohet nga buxheti i shtetit dhe nga çdo burim tjetër financiar i ligjshëm.

6. Sekretari Kombëtar i Ujit përfaqëson sekretariatin në marrëdhëniet me të tretët. Marrëdhëniet e punës të nëpunësve të Sekretariatit Teknik të Këshillit Kombëtar të Ujit rregullohen sipas legjislacionit të shërbimit civil. Për nëpunësit ekzistues zbatohen dispozitat e nenit 67, të ligjit nr. 152/2013, “Për nëpunësin civil”, të ndryshuar.

7. Rregullorja e Sekretariatit Teknik të Këshillit Kombëtar të Ujit miratohet nga Këshilli Kombëtar i Ujit, sipas përcaktimeve të shkronjës “d”, të pikës 3, të nenit 9, të ligjit nr. 111/2012, “Për menaxhimin e integruar të burimeve ujore”.

8. Vendimi nr. 230, datë 23.4.2014, i Këshillit të Ministrave, “Për përbërjen dhe mënyrën e organizimit e të funksionimit të Sekretariatit Teknik të Këshillit Kombëtar të Ujit”, shfuqizohet.

9. Ngarkohen Ministria e Financave, Kryeministria dhe Departamenti i Administratës Publike për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI**Niko Peleshi****VENDIM****Nr. 525, datë 20.7.2016****PËR FINANCIMIN NGA FONDI
SHQIPTAR I ZHVILLIMIT TË FAZËS
PËRGATITORE TË PROJEKTIT TË
BANKËS BOTËRORE “PËR ZHVILLIMIN
E INTEGRUAR URBAN DHE
EKONOMIK”**

Në mbështetje të nenit 100 të Kushtetutës, të nenit 10, të ligjit nr. 147/2015, “Për buxhetin e vitit 2016”, dhe të neneve 6, pikat 2, shkronja “a”, e 4, si dhe 8, pika 1, shkronja “b”, të ligjit nr. 10130, datë 11.5.2009, “Për Fondin Shqiptar të Zhvillimit”, të ndryshuar, me propozimin e ministrit të Financave, Këshilli i Ministrave



VENDOSI:

1. Financimin në vlerën 70 000 000 (shtatëdhjetë milionë) lekë të kostove për hartimin e disa projekteve teknike, si dhe të disa projekteve konceptuale-vizionare për zonat e Jugut të Shqipërisë, përfituese në kuadër të fazës përgatitore të projektit “Për zhvillimin e integruar urban dhe ekonomik”, që do të financohet nga Banka Botërore dhe do të zbatohet nga Fondi Shqiptar i Zhvillimit.

2. Vlera prej 70 000 000 (shtatëdhjetë milionë) lekësh të përballohet nga buxheti i Fondit Shqiptar të Zhvillimit dhe do të shtrihet në dy vite, si më poshtë vijon:

a) 56 000 000 (pesëdhjetë e gjashtë milionë) lekë, për vitin 2016;

b) 14 000 000 (katërmëdhjetë milionë) lekë, për vitin 2017.

3. Efekti financiar sipas shkronjës “a”, të pikës 1, të përballohet nga buxheti i miratuar për vitin 2016 për Fondin Shqiptar të Zhvillimit.

4. Efekti financiar sipas shkronjës “b”, të pikës 1, të parashikohet në projektbuxhetin e vitit 2017 për Fondin Shqiptar të Zhvillimit.

5.. Ngarkohen Ministria e Financave dhe Fondi Shqiptar i Zhvillimit për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDESKRYEMINISTRI
Niko Peleshi

VENDIM

Nr. 526, datë 20.7.2016

**PËR NJË NDRYSHIM DHE DISA
SHTESA NË VENDIMIN NR. 23, DATË
20.1.2016, TË KËSHILLIT TË
MINISTRAVE, “PËR PËRCAKTIMIN E
NUMRIT TË PUNONJËSVE ME
KONTRATË TË PËRKOHSHME PËR
VITIN 2016 NË NJËSITË E QEVERISJES
QENDRORE”, TË NDRYSHUAR**

Në mbështetje të nenit 100 të Kushtetutës, të pikës 2, të nenit 18, të ligjit nr. 7961, datë 12.7.1995, “Kodi i Punës i Republikës së Shqipërisë”, të ndryshuar, dhe të nenit 11, të ligjit nr. 147/2015, “Për buxhetin e vitit 2016”, me propozimin e ministrit të Financave, Këshilli i Ministrave

VENDOSI:

Në vendimin nr. 23, datë 20.1.2016, të Këshillit të Ministrave, të ndryshuar, bëhen ndryshimi dhe shtesat, si më poshtë vijon:

1. Në pikën 1, numri i punonjësve dhe i praktikantëve me kontratë të përkohshme ndryshohet dhe bëhet “... 2 196 veta ...”.

2. Në lidhjen nr. 1, të përmendur në pikën 1, të vendimit, në ndarjet “Gr.4 Ministria e Zhvillimit Ekonomik, Turizmit, Tregtisë dhe Sipërmarrjes”, “Gr.10 Ministria e Financave” dhe “Gr.25 Ministria e Mirëqenies Sociale dhe Rinisë”, shtohen nëndarjet sipas tabelës nr. 1, bashkëlidhur këtij vendimi dhe pjesë përbërëse e tij.

3. Efektet financiare, që rrjedhin nga zbatimi i këtij vendimi, fillojnë pas hyrjes në fuqi të tij dhe përballohen nga buxheti i miratuar për institucionet e përmendura në këtë vendim.

Ky vendim hyn në fuqi menjëherë dhe botohet në Fletoren Zyrtare.

ZËVENDESKRYEMINISTRI
Niko Peleshi



Tabela nr. 1

Gr.	Emri i institucionit	Nr. i punonjësve	Emërtesa	Koha mesatare ditore	Periudhë kohore
4	Ministria e Zhvillimit Ekonomik, Turizmit, Tregtisë dhe Sipërmarrjes	7			
	Aparati i ministrisë	1	specialist	8 orë/ditë	qershor-nëntor
	Agjencia Kombëtare e Bregdetit	6	punëtorë mirëmbajtjeje	8 orë/ditë	korrik-tetor
10	Ministria e Financave	3			
	Aparati i ministrisë	3	specialistë	8 orë/ditë	korrik-dhjetor
25	Ministria e Mirëqenies Sociale dhe Rinisë	5			
	Drejtoria e Përgjithshme e Shërbimit Social Shtetëror	2	mjekë	8 orë/ditë	korrik-dhjetor
	Drejtoria e Përgjithshme e Shërbimit Social Shtetëror	3	specialistë	8 orë/ditë	korrik-dhjetor
	TOTAL, PUNONJËS ME KONTRATË	15			

VENDIM

Nr. 528, datë 20.7.2016

PËR NJË NDRYSHIM NË VENDIMIN NR. 336, DATË 4.5.2016, TË KËSHILLIT TË MINISTRAVE, “PËR TRANSFERIMIN E AKSIONEVE TË SHOQËRIVE TË TREGJEVE TË TREGTIMIT ME SHUMICË DHE PAKICË TË FRUTA-PERIMEVE TË NJËSITË E QEVERISJES VENDORE”

Në mbështetje të nenit 100 të Kushtetutës, të neneve 9, pika 1.2, shkronja “a”, e 28, pika 2, të ligjit nr. 139/2015, “Për vetëqeverisjen vendore”, dhe të neneve 3 e 4, të ligjit nr. 8744, datë 22.2.2001, “Për transferimin e pronave të paluajtshme publike të shtetit në njësitë e qeverisjes vendore”, me propozimin e ministrit të Zhvillimit Ekonomik, Turizmit, Tregtisë dhe Sipërmarrjes, Këshilli i Ministrave

VENDOSI:

1. Në lidhjen nr. 1, që i bashkëlidhet vendimit nr. 336, datë 4.5.2016, të Këshillit të Ministrave, të hiqet nënndarja 2, “Tregu i shitjes me shumicë i fruta-perimeve, Shkodër”.

2. Ngarkohen Ministria e Zhvillimit Ekonomik, Turizmit, Tregtisë dhe Sipërmarrjes, Ministria e Bujqësisë, Zhvillimit Rural dhe Administrimit të Ujërave, Ministria e Punëve të Brendshme, Qendra

Kombëtare e Biznesit dhe Bashkia Shkodër për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi

VENDIM

Nr. 529, datë 20.7.2016

PËR SHPËRBLIMIN E PRONARËVE TË PASURIVE TË PALUAJTSHME, PRONË PRIVATE, PËR SIPËRFAQET TAKUESE QË PREKEN NGA NDËRTIMET INFORMALE

Në mbështetje të nenit 100 të Kushtetutës, të pikave 1 e 3, të nenit 15/1, të ligjit nr. 9482, datë 3.4.2006, “Për legalizimin, urbanizimin dhe integrimin e ndërtimeve pa leje”, të ndryshuar, dhe të neneve 3, pika 1, shkronja “c”, dhe 5, pika 2, të ligjit nr. 10239, datë 25.2.2010, “Për krijimin e fondit special të kompensimit të pronave”, me propozimin e ministrit të Zhvillimit Urban, Këshilli i Ministrave

VENDOSI:

1. Shpërblimin e pronarëve të pasurive të paluajtshme, pronë private, për sipërfaqet takuese, të zëna nga ndërtimet informale në qarqet: Elbasan, Korçë, Kukës, Lezhë, Vlorë, Tiranë dhe Durrës.



2. Sipërfaqja që shpronësohet është 35 662,55 (tridhjetë e pesë mijë e gjashtëqind e gjashtëdhjetë e dy presje pesëdhjetë e pesë) m² dhe vlera e përgjithshme e kompensimit është 467 582 277,94 (katërqind e gjashtëdhjetë e shtatë milionë e pesëqind e tetëdhjetë e dy mijë e dyqind e shtatëdhjetë e shtatë presje nëntëdhjetë e katër) lekë, sipas listës që i bashkëlidhet këtij vendimi.

3. Zyrat vendore të regjistrimit të pasurive të paluajtshme në Elbasan, Korçë, Kukës, Lezhë, Vlorë, Tiranë dhe Durrës të kryejnë ndryshimet përkatëse për këto pasuri në regjistrat e pasurive të paluajtshme.

4. Ngarkohen Ministria e Zhvillimit Urban, Ministria e Drejtësisë, Ministria e Financave, Agjencia e Trajtimit të Pronës, Zyra Qendrore e Regjistrimit të Pasurive të Paluajtshme dhe Agjencia e Legalizimit, Urbanizimit dhe Integritetit të Zonave/Ndërtimeve Informale për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi



LISTA EMËRORE E SUBJEKTEVE QË PREKEN NGA NDËRTIMET INFORMALE TË KUALIFIKUARA, MASA DHE VLERA E SHPËRBLIMIT

NR. I BASHKËPRONARËVE	EMËR	ATËSI	MBIEMËR	NR. I PRONAVE	QARKU	ZONA KADASTRALE	NUMRI I PASURISË	SIPËRFAQJA TAKUESE PËR KOMPENSIM	VLERA E TREGUT PËR TRUALL (lekë/m²)	VLERA E SHPËRBLIMIT (lekë)
1	2	3	4	5	6	7	8	9	10	11
					ELBASAN					
1	LLAMBI	SIMON	BULI	1	ELBASAN	8526	3/5/4	79	12,764	1,008,356.00
2	NAZMI	JONUS	KULLA	2	ELBASAN	8526	3/5/5	365.58	12,764	4,666,263.12
3	NIGJARE		SHQERRA	3	ELBASAN	8522	14/256	157.4	12,764	2,009,053.60
4	ANETA		SHQERRA							
5	XHULJANA		SHQERRA							
6	FATBARDHA		SHQERRA							
7	ELUERT		SHQERRA							
8	ROVENA		SHQERRA							
9	XHANI		SHQERRA							
10	BEATRICE		SHIJAKU							
11	MUHAZEZ		SHIJAKU							
12	ALBERT		SHIJAKU							
13	LUMTURI		SHIJAKU							
14	BLERTA		SHIJAKU							
15	ABDYL		SHIJAKU							
16	SHKENDI		DERVISHI							
17	SHKELQIM		DERVISHI							
18	PAJTIM		DERVISHI							
19	EDMOND		DERVISHI							
20	ILIR		DERVISHI							
21	LETIM	HALIM	AÇKA	4	ELBASAN	8525	9/248	3.50	14,192	49,672.00
22	ISMAIL	QAMIL	DELIMETA	5	ELBASAN	8526	1225/1	499.9	12,764	6,380,723.60
23	SELAJDIN	QAMIL	DELIMETA							
24	ZAMIRA	QAMIL	DELIMETA (GRADA)							
25	ALI		GJEVORI	6	ELBASAN	8526	1299/4	403.1	12,764	5,145,168.40
26	ISMAIL		GJEVORI							
27	SEIT		GJEVORI							
28	ISMAIL	XHEMAL	BERISHA	7	ELBASAN	8526	383/2	3,299.1	12,764	42,109,712.40
29	ENGJELLUSHE	XHEMAL	BERISHA							
30	ELISABETA	XHEMAL	BERISHA							
31	FAHARIJE		BERISHA							
32	LUANESHA		BERISHA	8	ELBASAN	8526	383/30	268.10	12,764	3,422,028.40
33	ARBEN	RESUL	IDRIZI	9	ELBASAN	8526	2/345	504	12,764	6,433,056.00



34	QAMIL		BYLYKBASHI	10	ELBASAN	8526	2271/3	420.8	12,764	5,371,091.20
35	RAMAZAN		BYLYKBASHI							
36	ILIR	NAMIK	DAIU							
37	SUZANA	QEMAL	MATRAXHIU(ZALOSHINJA)							
38	BARDHYL	QEMAL	MATRAXHIU							
39	SHKELQIM	QEMAL	MATRAXHIU							
40	ENGJELL	QEMAL	MATRAXHIU							
41	ZEGJINE	BEQIR	DAIU	11	ELBASAN	8526	9/25	1,161.80	12,764	14,829,215
42	BLEGINA	NAMIK	HADO(DAIU)							
43	FATMIR	ISMAIL	DAIU							
44	BESNIK	ISMAIL	DAIU							
45	ARDIANA	ISMAIL	LUFTA(DAIU)							
46	ESTREF		STUDENICA	12	ELBASAN	8526	313/1/1	253.30	12,764	3,233,121
47	ALTIN	RESHIT	IPEKU	13	ELBASAN	8526	313/2	452.60	12,764	5,776,986
48	HAVA	ABEDIN	KUSI							
49	ILIRJANA	ABEDIN	KUSI(MYFTARAJ)							
50	FERZILET	ABEDIN	KUSI(PAPRI)	14	ELBASAN	8523	14/344	29.40	12,764	375,261.60
51	EMINE	ABEDIN	KUSI(HYSENBELLIU)							
52	SHPRESA	ABEDIN	KUSI(ZHAMA)							
53	MEHMET	IBRAHIM	LUZI							
54	TAJAR	ALI	PASMAQI							
55	FATUSH	SULEJMAN	ZYMA	15	ELBASAN	8523	20/253	87.4	12,764	1,115,573.60
56	ALUSH	SULEJMAN	ZYMA							
57	BUJAR	SULEJMAN	ZYMA							
58	BUKURIJE	IBRAHIM	LUZI							
59	SKENDER	IBRAHIM	LUZI							
60	YMER	SULEJMAN	TABAKU							
61	FATIME	SULEJMAN	TABAKU							
62	HYSNIJE	SULEJMAN	TABAKU							
63	HAMALIJE	SULEJMAN	TABAKU							
64	BARDHYLE	MUHARREM	TABAKU							
65	NEXHMIJE	MUHARREM	TABAKU							
66	EMINE	MUHARREM	TABAKU							
67	GEZIM	MUHARREM	TABAKU	16	ELBASAN	8523	11/106	556.7	12,764	7,105,718.80
68	HAMIDE	HASAN	TABAKU							
69	BURHAN	HASAN	TABAKU							
70	NEXHAT	HASAN	TABAKU							
71	MIRANDA	RRAPUSH	TABAKU							
72	SULEJMAN	IBRAHIM	TABAKU							
73	MARSEL	IBRAHIM	TABAKU							
74	DALLENDYSHE	XHAFERR	PERIHANA							
75	FATIME	HYSEN	HARJA	17	ELBASAN	8527	208/14	351.20	12,764	4,482,716.80
76	MUHAMET	SHEMSI	DAIU							
77	PETRIT	HYSEN	HARJA							
78	ZHANETA	MUSTAFA	MITARJA							



79	BARDHUL	FATMIR	HAXHIHYSENI	18	ELBASAN	8527	299/2	297.6	12,764	3,798,566.40
80	BALLKYZ	ISMAIL	HAXHIHYSENI							
81	FLORESHA	ISMAIL	HAXHIHYSENI							
82	ARBEN	FATMIR	HAXHIHYSENI							
83	MUSTAFA		BYLYKBASHI	19	ELBASAN	8527	1412/4	313.9	12,764	4,006,619.60
84	HYQMET		XHERRI							
85	LINDITA		QEVANI							
86	MERITA		KARAJ							
87	EMIN		XHERRI							
88	VALBONA		QEVANI	20	ELBASAN	8527	147/1	393.9	12,764	5,027,739.60
89	SELMAN	TAHIR	BELSHAKU							
					KORÇË			9,898.28	Shuma	126,346,643.92
90	PËLLUMB	PETRIT	KOVAÇI	21	KORÇË	8564	2/317	8.00	8,537	68,296.00
								8.00	Shuma	68,296.00
					KUKËS					
91	ASTRIT	BESNIK	RAMALLARI	22	KUKËS	2684	44/3	249.47	203	50,642.41
92	FERIT	ZENEL	SHEHU	23	KUKËS	2762	7/106	421.05	203	85,473.15
								670.52	Shuma	136,115.56
					LEZHË					
93	FRAN	GJON	TOMA	24	LEZHË	8632	8/81	208.95	8,511	1,778,373.45
94	LUIGJ	KOL	GJOKA							
95	FRAN	GJON	TOMA	25	LEZHË	8632	8/56	11.94	8511	101,621.34
96	LUIGJ	KOL	GJOKA							
								220.89	Shuma	1,879,994.79
					VLORE					
97	REXHEP		GJIRIZI	26	VLORE	8605	39/193	468.30	8,300	3,886,890.00
98	MONIKA		PETROMILO							
99	HALIT		GJIRIZI							
100	KUJTIM		GJIRIZI							
101	NAILE		ZALOSHNIJA							
102	NEXHMIJE		OSMANI							
103	FLAMUR		SKENDERAJ							
104	AVDUL		SKENDERAJ							
105	QANIJE		ASLLANI							
106	LUAN		HASANBELLIU							
107	VIZHDAN		MALO	27	VLORE	8604	17/150	13.35	6899	92,093.37
108	NEXHMIJE		SALI							
109	ALBERT		MALO							
110	TATJANA		OSMANI							
111	KLARIDA		RAPAJ							
112	VJOLLCA		ZEQIRI	28	VLORE	8604	17/39	48.75	6,899	336,298.65
113	RAIM	SIHAT	MALAJ							
114	FITNETE		AGALLIU	29	VLORE	8605	2/14	776.40	8,300	6,444,078.50
115	AFRIM		AGALLIU							



116	DASHAMIR		AGALLIU							
117	TEFERI		AGALLIU							
118	MARJANA		AGALLIU							
119	REFIT	SULO	AGALLIU							
120	MEHMET	SULO	AGALLIU							
121	MYZARA		GURGA							
122	SHPETIM		SHARRA							
123	PELLUMB		SHARRA							
124	MJAFTIM		SHARRA							
125	NINFA		ZIU							
126	PRANVERA		BALLYSA							
127	FATOS		MUCO							
128	JUDIT		SHAHU	30	VLORE	8605	13/192	265.13	8,300	2,200,579.00
129	BAHIR		RESULI							
130	FERUDIN		XHAFFERI							
131	MYSTEHAK		XHAFFERI							
132	BESNIK		XHAFFERI							
133	KASTRIOT		XHAFFERI							
134	ERIKETA		SULKA							
135	FITNETE		AGALLIU							
136	AFRIM		AGALLIU							
137	DASHAMIR		AGALLIU	31	VLORE	8605	2/6	1,197	8,300	9,935,100.00
138	TEFERI		AGALLIU							
139	MARJANA		AGALLIU							
140	FITNETE		AGALLIU							
141	AFRIM		AGALLIU							
142	DASHAMIR		AGALLIU							
143	TEFERI		AGALLIU	32	VLORE	8605	2/12	500.50	8,300	4,154,150.00
144	MARJANA		AGALLIU							
145	REFIT		AGALLIU							
146	MEHMET		AGALLIU							
147	ADRIAN		HARIZA]							
148	ALBANO		IMERA]							
149	ANXHELA		HARIZA]							
150	ARJONA		HARIZA]							
151	ARMANDO		HARIZA]							
152	ASTRIT		HARIZA]							
153	BESNIK		HARIZA]							
154	BORIS		IMERA]	33	VLORE	8603	12/220	327.60	10,903	3,571,822.80
155	BRUNILDA		OMERI							
156	DEVIS		HARIZA]							
157	DHURATA		IMERA]							
158	DONIKA		HARIZA]							
159	ELTON		HARIZA]							
160	ENGJELLUSHE		RAKIPI							



161	ERMIR		HARIZA]							
162	FATMIR		HARIZA]							
163	FATMIR		IMERA]							
164	GAZMEND		HARIZA]							
165	GENCI		JUPE							
166	HASIE		HARIZA]							
167	ILIRIAN		IMERA]							
168	ISMET		JUPE (HARIZA)]							
169	JALLDIS		HARIZA]							
170	KASTRIOT		HARIZA]							
171	KRENAR		HARIZA]							
172	KSANDROS		IMERA]							
173	LAURA		KITA HARIZA]							
174	LEJDI		IMERA]							
175	LINDITA		SULEJMANI							
176	MERUSHE		VOCI (HARIZA)]							
177	MESHTANE		HARIZA]							
178	MIMOZA		DULE							
179	MIRELA		HARIZA]							
180	MUAZEZ		HARIZA]							
181	OSMAN		DULE							
182	PIRRO		IMERA]							
183	QEMAL		HARIZA]							
184	RAJMOND		DULE							
185	SHKELQIM		HARIZA]							
186	SHPRESA		HARIZA]							
187	SILVANA		CELIKU HARIZA]							
188	SUZANA		HARIZA]							
189	VALBONA		HARIZA]							
190	VELI		HARIZA]							
191	YLLKA		KOKOSHI (DULE)							
192	ZHULIETA		HARIZA]							
193	FATBARDHA		AGALLIU	34	VLORE	8605	1/103	285.80	8,300	2,372,140.00
194	LEONEL		KOKOSHI							
195	SOKOL		KOKOSHI							
196	OSVALDA		KOKOSHI							
197	FITNETE		AGALLIU	35	VLORE	8605	34/5	1,901.60	8,300	15,783,280.00
198	AFRIM		AGALLIU							
199	DASHAMIR		AGALLIU							
200	TEFERI		AGALLIU							
201	MARJANA		AGALLIU							
202	DRITA		BOZGO (SORRA)	36	VLORE	8601	28/300	2,173.67	10,903	23,699,524.01
203	SHPRESA		SORRA							
204	NURIJE		SORRA							
205	NIAZI		SORRA							



206	SAIMIRA		SORRA							
207	ADMIR		SORRA							
208	ALDONA		SORRA							
209	LUMTURI		SORRA							
210	SUELA		SORRA							
211	ARJANA		SORRA							
212	MERJEME		SORRA							
213	MURAT		HOXHA	37	VLOREË	8601	27/20	500.00	10,903	5,451,500.00
214	NURI		HOXHA							
215	ZENEPE		HOXHA							
216	DRITA		HOXHA							
217	KLODEALDO		HOXHA							
218	ALMA		HOXHA							
219	JENTON		HOXHA							
220	FIGALI		HOXHA							
221	LEJLI		ALIKO							
222	ROBERT		LIÇAJ							
223	ENGJELL		LIÇAJ							
224	LUDMILLA		LIÇAJ							
225	MARJETA		LIÇAJ							
226	MIRJANA		HOXHA							
227	GENTJAN		HOXHA							
228	BESMIRA		HOXHA							
229	THOMA		MITRI	38	VLOREË	8601	28/273	1,281.74	10,903	13,974,811.22
230	MARIJE		MITRI							
231	KOSTANDIN		MITRI							
232	POLIKSENI		MITRI							
233	MAJLINDA		MITRI							
234	TRASHËGIMTARËT E PETREF RISILIA			39	VLOREË	8601	25/317	199.40	10,903	2,174,058.20
235	NIMETE		BESHIRI	40	VLOREË	8603	22/11	184.32	10,903	2,009,640.96
236	MIHRIJE		SHARRA							
237	ERMIN		SHARRA							
238	BAKIJE		SHARRA							
239	ILIRJAN		SHARRA							
240	RAJMONDA		SHARRA							
241	MYNEVERE		SHARRA							
242	ELHAM		SHARRA							
243	BASHKIM		SHARRA							
244	ELISABETA		SHARRA							
245	ZAMIRA		SHARRA							
246	RUBEN		CELKUPA							
247	DORA		CELKUPA							
248	SELIM		CELKUPA							
249	XHENI		CELKUPA							
250	REFO		FERRA							



251	HEDIJE		SHARRA							
252	MELIHA		SHARRA							
253	LIRI		SHARRA							
254	XHESMIE		SHARRA							
255	HASAN		SHARRA							
256	MERITA		SHARRA							
257	VILDAN		SHARRA							
258	BESNIK		SHARRA							
							10,123.55	Shuma	96,085,966.72	
					TIRANË					
259	ALBANA		HOXHA							
260	BESNIK		KAZIU							
261	DIANA		KUQI							
262	DRITA		DATJA							
263	ENGJELLUSHE		ZHUKRI							
264	FATIME		KULLA	41	TIRANË	8330	1/835	395.80	34,068	13,484,114.40
265	FLORINDA		HOXHA							
266	GEZIME		BELLCISTA							
267	KAPLLAN		HOXHA							
268	MAJLINDA		HOXHA							
269	MUSTAFA		KAZIU							
270	RUHIJE		MERLIKA							
271	BUJAR		HOXHA	42	TIRANË	8310	3/199	347	31,219	10,832,993.00
272	HAJREDIN		HOXHA							
273	SKENDER		HOXHA							
274	MUHARREM		BAKALLI							
275	AJDIE		BAKALLI							
276	BEDRIE		SHEKU							
277	MYHYRIE		PETRELA							
278	LULJETA		KONOMI (Balliu)							
279	ALMA		BALLIU							
280	GENCI		BALLIU							
281	MUBAREQ		BAKALLI	43	TIRANË	8330	5/753	513.00	34,068	17,476,884.00
282	RUZHDI		BAKALLI							
283	NAILE		RECI							
284	LUTFIJE		MUCA							
285	HATIXHE		BAKALLI							
286	OMER		BAKALLI							
287	EVA		QEFALIA							
288	ANILA		BAKALLI							
289	AFERDITA	SEFER	MEMA							
290	ARIF	IBRAHIM	RRELI							
291	BAFTISHA	SEFER	SHIMA	44	TIRANË	8330	5/729	486.00	34,068	16,557,048.00
292	BAKUSHE	MEHMET	LEKA							
293	BUKURIE	SEFER	SHIMA							



294	GEZIM	SEFER	MEMA							
295	HASAN	IBRAHIM	RRELI							
296	HATLIJE	SEFER	MENI							
297	LAVDIJE	IBRAHIM	RRELI							
298	LEME	MEHMET	KAPEXHIU							
299	MALIQ	IBRAHIM	RRELI							
300	MET	IBRAHIM	RRELI							
301	NAILE	MEHMET	KUSURI							
302	OSMAN	MEHMET	KUSURI							
303	QAZIM	IBRAHIM	RRELI							
304	QEFERE	MEHMET	KUSURI							
305	QEFERE	SEFER	BANDA							
306	SHYQYRI	IBRAHIM	RRELI							
307	XHAVIT	SEFER	MEMA							
308	HAXHIRE		BUSHI	45	TIRANË	2679	440/322	718.20	4,242	3,046,604.40
309	DULEJMAN		VISHA							
310	MUHARREM		VISHA							
311	GANI		VISHA							
312	XHEMAL		VISHA							
313	ISHE		VISHA							
314	NERIMAN		GRIMCI							
315	ARBEN		VISHA	46	TIRANË	2679	440/300	340.60	4,242	1,444,825.20
316	BILAL		SEJDINI							
317	MAJLINDA		BUSHI							
318	LUMTURI		MINELLI							
319	SKENDER		SEJDINI							
320	FATIME		SHIMA							
321	ZYRA		SEJDINI							
322	SINAN		SEJDINI							
323	QEMAL		SEJDINI							
324	HAJDIE		SEJDINI							
325	XHEVDET		SEJDINI							
326	ALI		SEJDINI							
327	GEZIM		SEJDINI							
328	ENKELEDA		SEJDINI							
329	DRITAN		SEJDINI							
330	BUJAR		SEJDINI							
331	LULJETA		SEJDINI							
332	FLORA		SEJDINI							
333	LEONARD		SEJDINI							
334	AGIM	FERID	QOSJA	47	TIRANË	8170	10/310	303.00	32,878	9,962,034.00
335	ARBEN	NAIM	QOSJA							
336	AVNI	HAJDAR	QOSJA							
337	BESNIK	NAIM	QOSJA							
338	BRUNILDA	NAIM	REÇI							



339	EMINE	HYSEN	QOSJA							
340	FATIME	FERID	QOSJA							
341	FIRDES	ESTREF	QOSJA							
342	GEZIM	NAIM	QOSJA							
343	IBRAHIM	ADEM	QOSJA							
344	KIMETE	ADEM	QOSJA							
345	KUJTIM	ADEM	QOSJA							
346	MYZEJEN	HAJDAR	MICCOLIS							
347	PULLUMB	ADEM	QOSJA							
348	ROLAND	FERID	QOSJA							
349	SHKELQIM	ADEM	QOSJA							
350	VJOLLCA	HAJDAR	ALLA							
351	ENGJELLUSHE	ALI	SEJTILLARI							
352	MAJLINA	ALI	QOSJA							
353	LULZIM	ALI	QOSJA							
354	ANILA	ALI	BARDHI							
355	KUJTIM	RAMAZAN	TARJA	48	TIRANË	3866	301/126	453.10	4,242	1,922,050.20
356	BEDRI	ADEM	HOXHA	49	TIRANË	3866	333/19	4.60	4,242	19,513.20
357	SADRI	JONUZ	KORTESHI	50	TIRANË	3866	333/18	238.20	4,242	1,010,444.40
358	AGIM	ALI	BODURI	51	TIRANË	3866	333/29	276.60	4,242	1,173,337.20
359	ARBEN		KURTESHI	52	TIRANË	3866	333/31	94.70	4,242	401,717.40
360	IDRIZ	MAHMUT	BULKU	53	TIRANË	8230	6/409	51.30	23,703	1,215,963.90
361	ADEM	HAMIT	CELIKU							
362	EDMOND	HAMIT	CELIKU							
363	FATBARDH	HAMIT	CELIKU							
364	GENCI	HAMIT	CELIKU							
365	LUMTURI	HAMIT	CELIKU	54	TIRANË	8130	3/356	17.20	30,196	519,371.20
366	MERITA	HAMIT	CELIKU							
367	MIMOZA	HAMIT	CELIKU							
368	NAIME	ADEM	CELIKU							
369	XHAVIT	ADEM	CELIKU							
370	XHEVRIJE	ZENEL	CELIKU							
371	ZENEPE		ZHEGU							
372	DUHIJE	ABDYL	ZHEGU							
373	ERMIRA	ABDYL	ZHEGU							
374	SADETE	ABDYL	ZHEGU							
375	BUJAR	ABDYL	ZHEGU	55	TIRANË	8180	8/758	207.50	31,270	6,488,525.00
376	GUGASH	ABDYL	GUZHA							
377	SUZANA	DALIP	ZHEGU							
378	ARDIAN	DALIP	ZHEGU							
379	ENGLI	DALIP	ZHEGU							
380	ARDIAN		ZHEGU							
381	BUJAR		ZHEGU	56	TIRANË	8180	8/656	108.50	31,270	3,392,795.00
382	DUHIJE		ZHEGU							
383	ENGLI		ZHEGU							



384	ERMIRA		ZHEGU							
385	GUGASH		ZHEGU							
386	SADETE		ZHEGU							
387	SUZANA		ZHEGU							
388	ZENEPE		ZHEGU							
389	AGRON		FORTUZI	57	TIRANË	8180	8/318	407.10	31,270	12,730,017.00
390	DJANA		KADIU							
391	DORINA		FORTUZI							
392	GENC		SHEMLLIU							
393	HASHIM		SHEMLLIU							
394	HATIXHE		KALLESHI							
395	HIQMET		KADIU							
396	KUJTIM		SHEMLLIU							
397	LIRI		ARAPI							
398	MIRVJENA		KADIU							
399	MYNYR		KADIU							
400	NEZIHAT		MNERI							
401	RAMAZAN		KADIU							
402	SANIJE		KADIU							
403	FAIK		SADA	58	TIRANË	8180	8/294	7.40	31,270	231,398.00
404	BUJAR		DAJA	59	TIRANË	8180	8/383	1,348.60	31,270	42,170,722.00
405	FATMIRA		MULLALIU							
406	ILIRJANA		HUTA (Hida)							
407	MINIR		DAJA							
408	MITHAT		HIDAJ							
409	SADIK		HIDAJ							
410	YLLKA		KONCI							
411	ZAMIRA		MARKU							
412	FATIME		ASLLANI							
413	BUJAR		DAJA	60	TIRANË	8180	8/785	306.40	31,270	9,581,128.00
414	DYLBERE		KELLICI							
415	FATMIRA		MULLALIU							
416	MINIR		DAJA							
417	YLLKA		DAJA							
418	ZAMIRA		MARKU							
419	JEMINE	QAZIM	MAÇI (Tugu)	61	TIRANË	3866	333/39	1,287.50	4,242	5,461,575.00
420	ISLAM	QAZIM	TUGU							
421	NJAZI	QAZIM	TUGU							
422	EQEREM	QAZIM	TUGU							
423	ANASTASI		GORENGA							
424	AGIM		TUGU	62	TIRANË	3866	333/41	9.80	4,242	41,571.60
425	JEMINE	QAZIM	MAÇI (Tugu)							
426	ISLAM	QAZIM	TUGU							
427	NJAZI	QAZIM	TUGU							
428	EQEREM	QAZIM	TUGU							



429	ANASTASI		GORENGA							
430	AGIM		TUGU							
431	AFERDITA		SKUQI							
432	ANTONETA		TILA							
433	ARETINA		BROKA							
434	ATHINA		PAPA							
435	DHIMTER		TASHO							
436	ELENA		NAKO							
437	GJINOVEFA		SULKUQI							
438	JORGJI		TASHO							
439	KOSTAQ		SULKUQI							
440	LEONORA		LIPIVANI	63	TIRANË	8120	2/235	187.40	29,106	5,454,464.40
441	LILJANA		KRISIKO							
442	LIZA		MEMI							
443	LORETA		DENGU							
444	MARINA		LUZI							
445	PAVLI		SKAKA							
446	ROZINA		SULKUQI							
447	STEFAN		SKAKA							
448	VASIL		SKAKA							
449	VJOLLCA		ZAHARIA							
450	ANTONETA		TELA	64	TIRANË	8120	2/910	24.70	29,106	718,918.20
451	ATHINA		PAPA							
452	BUJAR	XHAHER	SALLAKU	65	TIRANË	2704	54/20	80.80	3,283	265,266.40
453	HYSEN	JUSUF	QORDJA	66	TIRANË	2704	54/19	83.30	3,283	273,473.90
454	VLADIMIR	LLUKAN	KOSTA	67	TIRANË	2704	54/18	12.0	3,283	39,396.00
455	BESIM	MYRTEZA	MURTHI							
456	DILE	ZENEL	MURTHI							
457	HAMDI		MURTHI							
458	HAXHIRE	MYRTEZA	MURTHI							
459	ILIRJANA	MALIQ	MURTHI							
460	IRMA	IBRAHIM	MURTHI	68	TIRANË	8340	2/199	195.20	30,158	5,886,841.60
461	MAJLINDA	IBRAHIM	MURTHI							
462	METIJE	MYRTEZA	MURTHI							
463	MYRTEZA	IBRAHIM	MURTHI							
464	VJOLLCA	MALIQ	MURTHI							
465	XHELAL	MALIQ	MURTHI							
466	YLKA	MALIQ	MURTHI							
467	IBRAHIM		CULLHAJ							
468	SULLTANE		SHIMA							
469	IDRIZ		CULLHAJ							
470	REXHEP		CULLHAJ	69	TIRANË	8230	5/386	346.50	23,703	8,213,089.50
471	LUTFI		CULLHAJ							
472	SHERIF		CULLHAJ							
473	EMINE		SHIMA							



474	FATIME		CULLHAJ							
475	SADETE		CAUSHI							
476	HURMA		CULLHAJ							
477	VAJE		CULLHAJ							
478	RAMAZAN		CULLHAJ							
479	REFIK		CULLHAJ							
480	GEZIM		CULLHAJ							
481	VJOLLCA		TROPLINI (CULLHAJ)							
482	SERVETE		KECI (CULLHAJ)							
483	SANIJE		CULLHAJ							
484	ZONJE		SHKRETA (CULLHAJ)							
485	SHPRESA		ISUFI (CULLHAJ)							
486	FLUTURA		KAXHAJA (CULLHAJ)							
487	KUJTIM		CULLHAJ							
488	MIMOZA		CULLHAJ							
489	ASTRIT		CULLHAJ							
490	MIRELA		CULLHAJ							
491	BARDHA		CULLHAJ							
492	HANE		CULLHAJ							
493	ARBEN		CULLHAJ							
494	JASHAR	MUSTAFA	XHAMETA	70	TIRANË	8230	2/128	105.00	23,703	2,488,815.00
495	LIDA	TIFTIRE	KELLEZI							
496	ILIR	TIFTIRE	PILKATI	71	TIRANË	8160	3/432	24.11	66,969	1,614,622.59
497	DRINI	TIFTIRE	PILKATI							
498	FATOS	TIFTIRE	PILKATI							
499	BEJTE		MNERI							
500	ENGJELLUSHE		KATRINI							
501	ETLEVA		MNERI							
502	FITNETE		HYSA (MNERI)							
503	HAFSA		DECKA (MNERI)							
504	HAXHIRE		KOSKIA							
505	IRENA		ADEMI (MNERI)	72	TIRANË	8250	3/352	8.05	30,783	247,803.15
506	MEDIHA		KAZAZI							
507	NATASHA		ISUFI (MNERI)							
508	NAZMIJE		MNERI							
509	PELLUMB		MNERI							
510	SEFER		MNERI							
511	SHPRESA		KAZAZI							
512	DESHIRA		GREVA							
513	HAJDAR		ZELA							
514	QEFERE		RUSHEKU	73	TIRANË	8350	2/265	50.40	66,969	3,375,237.60
515	VJOLLCA		VOKSHI							
516	XHEVRIJE		KATROSHI							
517	KOMUNITETI MYSLYMAN			74	TIRANË	8360	1/93	42.21	66,969	2,826,761.49
518	IRMA		TERSHANA	75	TIRANË	8380	7/558	93.20	66,969	6,241,510.80



519	TEFIK		TERSANA							
520	ASIE		ZELA							
521	HASAN		ZELA							
522	ALI		ZELA							
523	HAJRIE		PETRELA							
524	SADIE		PETRELA							
525	SHOQËRIA "MAX COMPANY" SHPK			76	TIRANË	8330	8/428	70.74	34,068	2,409,970.32
526	MYSLYM	NUREDIN	GOXHAI	77	TIRANË	1649	39/40	215.60	324	69,854.40
527	DION	ALI	ARAPI	78	TIRANË	1649	9/9	500.70	324	162,226.80
528	FAIK		ALLUSHAI	79	TIRANË	1649	19/33	195.40	324	63,309.60
529	PULLUMB	VELI	MEHMETI	80	TIRANË	1649	69/39	298.40	324	96,681.60
530	BESIM	MUSTAFA	KOCI	81	TIRANË	3712	297/3/3	284.90	528	150,427.20
531	SELIM	IMER	MLINI	82	TIRANË	1649	16/14	487.60	324	157,982.40
532	VEHBI	HAMIT	META	83	TIRANË	3993	986/1	458.70	490	224,763.00
533	ARTAN	DEMIRAL	ZENGO	84	TIRANË	2066	54/3/2	500.20	4,242	2,121,848.40
534	BLERINA	DEMIRAL	ZENGO							
535	ROLAND	DEMIRAL	ZENGO							
536	SALIJE	DEMIRAL	ZENGO							
537	VALENTINA	DEMIRAL	ZENGO							
538	SELMAN	SHAQIR	KONDO	85	TIRANË	2066	207/5	308.70	4,242	1,309,505.40
539	DASHAMIR	SELMAN	KONDO	86	TIRANË	2066	207/6	181.30	4,242	769,074.60
								12,677.21	Shuma	204,346,476.45
					DURRËS					
540	ALBI		MYZEQARI	87	DURRËS	8512	2/123	1,000	19,155	19,155,000.00
541	ELCA		MYZEQARI							
542	ELION		MYZEQARI							
543	LORIDA		MYZEQARI							
544	ELISA		THANASI (MYZEQARI)							
545	ALBI		MYZEQARI	88	DURRËS	8512	2/276	405.10	19,155	7,759,690.50
546	ELCA		MYZEQARI							
547	ELION		MYZEQARI							
548	LORIDA		MYZEQARI							
549	ELISA		THANASI (MYZEQARI)							
550	ALBI		MYZEQARI	89	DURRËS	8512	2/279	430.00	19,155	8,236,650.00
551	ELCA		MYZEQARI							
552	ELION		MYZEQARI							
553	LORIDA		MYZEQARI							
554	ELISA		THANASI							
555	ALUFLOR SHPK			90	DURRËS	8516	5/611	93.00	10,348	962,364.00
556	BAARBARA	ARBEN	METAJ	91	DURRËS	8512	6/90	136.00	19,155	2,605,080.00
								2,064.10	Shuma	38,718,784.50
								35,662.55	Shuma TOTALE	467,582,277.94

**VENDIM****Nr. 531, datë 20.7.2016**

**PËR MIRATIMIN E KONTRATËS
SHITESË TË KONCESIONIT “PËR DISA
NDRYSHIME DHE SHTESA NË
KONTRATËN E KONCESIONIT TË
FORMËS “BOT” (NDËRTIM-OPERIM-
TRANSFERIM), PËR NDËRTIMIN E
HIDROCENTRALEVE NË RRJEDHËN E
LUMIT MAT: “GJONI”, “BLISHTA”,
“KLOSI”, “DOMI”, “LUCI”, “SHOSHAI”,
“ZENISHTI” DHE “BURRELI”“,
MIRATUAR ME VENDIMIN NR. 673,
DATË 3.10.2012, TË KËSHILLIT TË
MINISTRAVE**

Në mbështetje të nenit 100 të Kushtetutës dhe të nenit 50, të ligjit nr. 125/2013, “Për koncesionet dhe partneritetin publik privat”, të ndryshuar, me propozimin e ministrit të Energjisë dhe Industrisë, Këshilli i Ministrave

VENDOSI:

1. Miratimin e kontratës shtesë të koncesionit “Për disa ndryshime dhe shtesa në kontratën e koncesionit (nr. 375 rep.; 203 kol., datë 21.9.2012) të formës “BOT” (ndërtim-operim-transferim), për ndërtimin e hidrocentraleve në rrjedhën e lumit Mat: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli”“, miratuar me vendimin nr. 673, datë 3.10.2012, të Këshillit të Ministrave, sipas tekstit që i bashkëlidhet këtij vendimi.

2. Ngarkohet Ministria e Energjisë dhe Industrisë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

**ZËVENDËSKRYEMINISTRI
Niko Peleshi**

REPUBLIKA E SHQIPËRISË
ZYRA E NOTERISË TIRANË
NR. 730 Rep.
NR. 268/3 Kol.

**KONTRATË SHITESË KONCESIONI
PËR DISA NDRYSHIME DHE SHTESA NË
KONTRATËN E KONCESIONIT
(NR. 375 REP.; 203 KOL., DATË 21.9.2012) TË
FORMËS “BOT” (NDËRTIM-OPERIM-
TRANSFERIM) PËR NDËRTIMIN E
HIDROCENTRALEVE NË RRJEDHËN E
LUMIT MAT “GJONI”, “BLISHTA”, “KLOSI”,
“DOMI”, “LUCI”, “SHOSHAI”, “ZENISHTI”
DHE “BURRELI”**

Në Tiranë, në datën 14, muaji i 4-t, viti 2016 (dymijë e gjashtëmbëdhjetë), para meje notere Dhurata M. Vardhami, anëtare e Dhomës së Noterisë Tiranë, me adresë rruga “Sami Frashëri”, u paraqitën palët kontraktuese si më poshtë:

Ministria e Energjisë dhe Industrisë, në cilësinë e autoritetit kontraktues, përfaqësuar me autorizimin nr. 95/23, datë 7.3.2016, nga z. Koli Bele, i datëlindjes 24.1.1975, madhor dhe me zotësi juridike për të vepruar, për identitetin e të cilit u sigurova nga pasaporta H 50124103U; dhe

Shoqëria “Mati Hydropower” sh.p.k., me seli në Tiranë, në adresën: rruga “Jul Variboba”, vila nr. 10, e përfaqësuar nga administratori i saj znj. Aida Nani, e datëlindjes 27.11.1973, madhore dhe me zotësi të plotë juridike për të vepruar, për identitetin e së cilës u sigurova nga ID. H36127120S.

Palët, të cilët me vullnetin e tyre të lirë, bien dakord si më poshtë:

Të lidhin këtë kontratë koncesioni shtesë, si pjesë përbërëse e kontratës bazë të koncesionit të formës “BOT”, të nënshkruar nga palët: Ministria e Ekonomisë, Tregtisë dhe Energjetikës dhe Bashkimi i Përkohshëm i Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., në datën 21 shtator 2012 me nr. 375 rep., nr. 203 kol., “Për ndërtimin e hidrocentraleve në rrjedhën e lumit Mat: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli”.



Hyrje

Duke pasur parasysh që:

- Në kontratën e koncesionit të formës “BOT”, për ndërtimin e hidrocentraleve në rrjedhën e lumit Mati: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli”, të lidhur ndërmjet Ministrisë së Ekonomisë, Tregtisë dhe Energjetikës dhe Bashkimit të Përkohshëm të Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., ku në pikën 3, të nenit 10, “Programi i punimeve” ndër të tjera, cilësohet se: “Këto afate do të ndryshohen me marrëveshje midis autoritetit kontraktues dhe koncesionarit, nëse marrja e lejeve nga institucionet përkatëse është vonuar përtej kohës së rregullt procedurale për marrjen e tyre...”; në pikën 2, të nenit 28 “Ndryshime” cilësohet se: Kjo kontratë mund të pësojë ndryshim, shtesa dhe/ose zëvendësime vetëm me marrëveshje me shkrim të të dyja palëve;

- Bashkimi i Përkohshëm i Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., me cilësinë e koncesionarit dhe në përmbushje të pikës 8.1 të kontratës koncesionare me nr. 375 rep., dhe nr. 203 kol., ka krijuar shoqërinë koncesionare “Mati Hydropower” sh.p.k.;

- Me shkresën nr. 9729/1, datë 4.11.2012, Ministria e Energjisë dhe Industrisë, me cilësinë e autoritetit kontraktues, ka dhënë miratimin për kalimin e 90% të kuotave të kapitalit nga Bashkimi i Përkohshëm i Shoqërive të shoqëria “Enso Hydro Energji” sh.p.k.;

- Me optimizmin e skemës së shfrytëzimit energjetik të veprës, hidrocentralet: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli”, të parashikuara në kontratën koncesionare, të lidhur në datën 21.9.2012, do të quhen në këtë kontratë me emrat hidrocentralet “Mati 1”, “Mati 2” dhe “Mati 3”;

- Shoqëria me qëllim prodhimin e energjisë elektrike dhe rritjen e sigurisë së furnizimit me energji elektrike të zonës, është e interesuar për të investuar në ndërtimin e hidrocentraleve “Mati 1”, “Mati 2”, “Mati 3”, në rrjedhën e lumit Mat dhe përroit Xibër, Bashkia Mat, qarku Dibër;

- Me shkresën nr. 1 prot., datë 5.1.2015, të shoqërisë koncesionare “Mati Hydropower”

sh.p.k., drejtuar autoritetit kontraktues MEI, shoqëria kërkon rishikimin dhe rihartimin e disa prej kushteve dhe neneve të parashikuara në kontratën koncesionare të lidhur në datën 21.9.2012.

- Autoriteti kontraktues MEI, me shkresën nr. 95/28 prot., datë 25.3.2016, referuar oponencës teknike mbi projektin e zbatimit për HEC-et “Mati 1”, “Mati 2”, “Mati 3”, të përcjellë nga AKBN-ja, me shkresën nr. 2776 prot., 24.3.2016, ka miratuar projektin e zbatimit të hidrocentraleve “Mati 1”, “Mati 2”, “Mati 3”;

- Shoqëria koncesionare, me shkresën nr. 8 prot., datë 25.3.2016, ka depozituar në MEI, formularin e sigurimit të kontratës police sigurimi nr. 0001934 (për shtesën e vlerës së sigurimit, të përcaktuar në nenin 14, si dhe parashikimit në projektzbatim);

- Për këto arsye,

Palët bien dakord që në kontratën bazë të koncesionit të formës “BOT”, të nënshkruar nga palët: Ministria e Ekonomisë, Tregtisë dhe Energjetikës dhe Bashkimi i Përkohshëm i Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., në datën 21 shtator 2012, me nr. 375 rep., nr. 203 kol., “Për ndërtimin e hidrocentraleve në rrjedhën e lumit Mat: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli”, të bëhen këto ndryshime dhe shtesa:

Neni 1

Në kontratën bazë të koncesionit të formës “BOT”, të nënshkruar nga palët: Ministria e Ekonomisë, Tregtisë dhe Energjetikës dhe Bashkimi i Përkohshëm i Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., në datën 21 shtator 2012, me nr. 375 rep., nr. 203 kol., “Për ndërtimin e hidrocentraleve në rrjedhën e lumit Mat: “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli” pas titullit.

- Në paragrafin e dytë të kontratës dhe kudo në kontratë, togfjalëshi: “Ministria e Ekonomisë, Tregtisë dhe Energjetikës”, të zëvendësohet me togfjalëshin: “Ministria e Energjisë dhe Industrisë”;

- Nga paragrafi i tretë deri te paragrafi i shtatë i kontratës, që përcakton Bashkimin e



Përkohshëm të Shoqërive “Riviera” sh.p.k., “EHW” sh.p.k., “Energji Projekt” sh.p.k. dhe “Atlantik” sh.a., në cilësinë e koncesionarit, si dhe cilësimet për secilën prej shoqërive të këtij bashkimi të përkohshëm, të zëvendësohet me paragrafin: shoqëria koncesionare “Mati Hydropower” sh.p.k., që në vijim do të quhet edhe “koncesionari”, shoqëri e regjistruar si person juridik në QKR, në datën 12.10.2012, me NIPT L22212004A, me seli të regjistruar në Tiranë, në adresën: rruga “Jul Variboba”, vila nr. 10, Tiranë, përfaqësuar nga përfaqësuesi ligjor i saj znj. Aida Nani.

Neni 2

Në nenin 1, “Përkufizime dhe interpretime”, pika 1.5 zëvendësohet me paragrafin si më poshtë:

“1.5 Hidrocentralet: hidrocentralet “Mati 1”, “Mati 2”, “Mati 3”, me vendndodhje në lumin Mat dhe në përroi Xibër, Bashkia Mat, qarku Dibër, me fuqi të instaluar 38000 kw dhe prodhim të energjisë elektrike 134.700.000 kwh, i përbërë nga tërësia e objekteve që shërbejnë për prodhimin e energjisë elektrike, duke përfshirë, por pa u kufizuar në to: veprën e marrjes, kanalën e devijimit, bazenin e presionit, tubacionin që dërgon ujin në turbinë, lidhjen me sistemin, ndërtesën e centralit së bashku me makineritë dhe pajisjet e instaluar në të.”.

Në pikën 1.8 dhe kudo në kontratë togfjalësh “Gjoni”, “Blishta”, “Klosi”, “Domi”, “Luci”, “Shoshaj”, “Zenishti” dhe “Burreli” zëvendësohet me “Mati 1”, “Mati 2”, “Mati 3”.

Neni 3

Në nenin 3 “Karakteristikat e hidrocentralit /eve” pika 3.1 ndryshohet si më poshtë:

“3.1 Hidrocentralet “Mati 1”, “Mati 2”, “Mati 3” do të ndërtohen në lumin e Matit dhe në përroi Xibër, Bashkia Mat, qarku Dibër, me këto karakteristika:

- Hidrocentrali Mati 1

- kuotat e veprave	
- kuota e veprës së marrjes lumi Mat	355 m
- kuota e godinës së centralit	270 m
- fuqia e instaluar	14.700 kw
- prodhimi vjetor i energjisë elektrike	50.000.000 kwh

- Hidrocentrali Mati 2

- kuotat e veprave	
- kuota e veprës së marrjes lumi Mat	248 m
- kuota e godinës së centralit	170 m
- fuqia e instaluar	14.800 kwh
- prodhimi vjetor i energjisë elektrike	58.600.000 kwh

- Hidrocentrali Mati 3

- kuotat e veprave	
- kuota e veprës së marrjes përroi Xibër	700 m
- kuota e godinës së centralit	261 m
- fuqia e instaluar	8,500 kwh
- prodhimi vjetor i energjisë elektrike	26.100.200 kwh.”.

Neni 4

Në nenin 4 “Periudha e koncesionit”, pas pikës 4.2.1 shtohet pika 4.2.2 me përmbajtjen si më poshtë:

“4.2.2 Palët, bien dakord që, në përfundim të periudhës së koncesionit, kjo marrëveshje mund të rinovohet, nëse një gjë e tillë parashikohet nga legjislacioni në fuqi në momentin e përfundimit të kësaj periudhe. Në këtë rast, secila nga palët që dëshiron të rinovojë këtë kontratë koncesionare, duhet të njoftojë me shkrim palën tjetër, brenda një kohe të arsyeshme, por jo më pak se 3 vjet përpara përfundimit të periudhës së koncesionit, me qëllim që të zhvillohen bisedime paraprake për këtë qëllim.”.

Neni 5

Në nenin 5 “Të drejtat koncesionare – Sheshi”, pika 5.2.4 ndryshohet si më poshtë:

“5.2.4 Në lidhje me dhënien e Sheshit, të drejtës për kalim, gëzimit të qetë dhe së drejtës për akses dhe për të përdorur ujin e lumit Mat dhe përroi Xibër, koncesionari e pranon Sheshin “siç është” që nga data e një dhënieje të tillë, si dhe autoriteti kontraktues nuk do të kryejë ndonjë shpenzim, as nuk do të jetë përgjegjës për ndonjë pretendim përkundrejt koncesionarit, në lidhje me gjendjen e Sheshit.”.

Neni 6

Në nenin 8 “Detyrimet e koncesionarit”, bëhen ndryshimet si më poshtë:

Në pikën 8.1 në shkronjën “b” paragrafi i dytë, ndryshohet si më poshtë:



“Koncesionari/shoqëria koncesionare është përgjegjëse për të gjitha të drejtat dhe detyrimet e parashikuara në këtë kontratë.”.

Pika 8.6 ndryshohet si më poshtë:

“8.6 Të zbatohet projektin final të zbatimit për ndërtimin e hidrocentraleve “Mati 1”, “Mati 2”, “Mati 3” me fuqi totale të vendosur në sasinë jo më pak se 38.000 kw.”.

Neni 7

Në nenin 9 “Vlerësimi i investimeve”, pika 9.1 ndryshohet si më poshtë:

“9.1 Mbi bazën e të dhënave të projektit, investimet që duhet të kryhen nga koncesionari do të jenë me vlerë totale jo më pak se 4,069,605,667 (katër miliardë e gjashtëdhjetë e nëntë milionë e gjashtëqind e pesë mijë e gjashtëqind e gjashtëdhjetë e shtatë) lekë, sipas aneksit nr. 1 bashkëlidhur, nga të cilat jo më pak se 1,013,483,387 (një miliardë e trembëdhjetë milionë e katërqind e tetëdhjetë e tre mijë e treqind e tetëdhjetë e shtatë) lekë do të investohen në makineri e pajisje.”.

Neni 8

Në nenin 10 “Programi i punimeve”, pikat 1 dhe 2 ndryshohen si më poshtë:

“1. Koncesionari merr përsipër të fillojë punimet për zbatimin e projektit brenda 20 muajve nga data e lëshimit të lejes së zhvillimit dhe ndërtimit. Aplikimi për pajisjen me leje ndërtimi, do të kryhet brenda 60 ditëve nga data e miratimit të projektzbatimit përfundimtar nga autoriteti kontraktues.

2. Koncesionari merr përsipër të vërë në punë hidrocentralin 36 (tridhjetë e gjashtë) muaj nga data e fillimit të punimeve. Afati i ndërtimit është parashikuar në grafikun e punimeve të paraqitur në aneksin 2, bashkëlidhur.”.

Neni 9

Në nenin 12 “Zgjidhja e kontratës së Koncesionit” bëhen ndryshimet si më poshtë vijon:

Në pikën 12.1 “Zgjidhja e njëanshme e kontratës nga autoriteti kontraktues”, nën pikat 12.1.1. dhe 12.1.7 ndryshohen si më poshtë:

“12.1.1 Kur koncesionari nuk fillon punën (për shkak të tij) sipas afatit të përcaktuar në pikën 1, të nenit 10. Në këtë rast autoriteti kontraktues ka të

drejtë të marrë vlerën e sigurimit të kontratës të parashikuar në nenin 14.”.

“12.1.7. Kur nuk siguron financimin e projektit para afatit të fillimit të punimeve të përcaktuar në pikën 1, të nenit 10.”.

Në pikën 12.7, “Pagesat në rast zgjidhjeje të kontratës”, nën pika 12.7.1 ndryshohet si më poshtë:

“12.7.1 Pagesat e zgjidhjes së kontratës nga autoriteti kontraktues për faj të koncesionarit.

Në rast të zgjidhjes së kontratës për faj të koncesionarit, sipas nenit 12.1, autoriteti kontraktues i paguan koncesionarit, vetëm shumat e investuara sipas dokumenteve financiare (dokumentet financiare) deri në kufirin e investimit të realizuar në projekt.”.

Neni 10

Në nenin 14 “Sigurimi i kontratës”, në pikën 14.1 shifra “284,871,741 (dyqind e tetëdhjetë katër milionë e tetëqind e shtatëdhjetë e një mijë e shtatëqind e dyzet e një)” zëvendësohet me “284.872.396 (dyqind e tetëdhjetë e katër milionë e tetëqind e shtatëdhjetë e dy mijë e treqind e nëntëdhjetë e gjashtë)”.

Neni 11

Në nenin 15 “Sigurimet” pika 15.6, ndryshohet si më poshtë vijon:

“15.6 Autoriteti kontraktues, do të shënohet si palë e interesuar në të gjitha kontratat e sigurimit. Sigurimi do të mbulojë përgjegjësinë në përputhje me legjislacionin shqiptar në fuqi.”

Neni 12

Në nenin 22 “Zgjidhja e mosmarrëveshjeve” pika 22.2 ndryshohet si më poshtë:

“22.2 Kur me gjithë përpjekjet e palëve nuk arrihet një konsensus i përbashkët, kompetente për zgjidhjen e çdo mosmarrëveshjeje që lidhet me këtë kontratë koncesioni, do të jetë Gjykata e Arbitrazhit, e cila do të funksionojë sipas rregullave të Dhomës Ndërkombëtare të Tregtisë (International Chamber of Commerce-ICC). Arbitrazhi do të zhvillohet në Zyrë, Zvicër. Gjykimi mund të bëhet me një grup prej 3 arbitrash, ku secila palë do të zgjedhë një arbitër dhe dy arbitrat do të zgjedhin arbitrin e tretë. Gjuha e procedimit do të jetë anglisht.”.



Neni 13

Në nenin 23 “Sanksionet”, paragrafi i parë i pikës 23.2 ndryshohet si më poshtë:

“23.2 Në rast mosrealizimi, për faj të Koncesionarit, të prodhimit të energjisë elektrike prej 134.700.000 kwh/vit, koncesionari penalizohet me 5% të prodhimit të parealizuar për periudhën raportuese, duke pasur parasysh se në këtë rast autoriteti kontraktues do të marrë të plotë tarifën koncesionare. Në rast kur prodhimi nuk realizohet për shkaqe të tjera të ligjshme (jo për faj të koncesionarit), koncesionari nuk penali-zohet për prodhimin e munguar; ndërkaq, koncesionari është i detyruar të paguajë tarifën koncesionare, në vlerën prej 5% të prodhimit të realizuar. Megjithatë palët bien dakord se në rast të mosrealizimit të prodhimit të energjisë prej 134.700.000 kwh/vit, palët mund të ulen të negociojnë midis njëra-tjetrës.”

Neni 14

Në nenin 29, “Bashkëpunimi midis autoritetit kontraktues dhe koncesionarit”, paragrafi i katërt që përcakton adresat dhe numrat e kontaktit që do të përdoren gjatë zbatimit të kësaj Marrëveshjeje, ndryshohet si më poshtë:

Për autoritetin kontraktues

Ministria e Energjisë dhe Industrisë
Bulevardi “Dëshmorët e Kombit”,
nr. 1001
Tiranë - Shqipëri

Për koncesionarin

Shoqëria “Mati Hydropower” sh.p.k.
Adresa: Rruga
“Jul Variboba”, nr. 10
Tiranë - Shqipëri
Tel: +355 (4) 45 00 765
Mob : +355 (68) 40 33 029
Email: aida.nani@enso.at

Neni 15

Kjo kontratë shtesë, hyn në fuqi me nënshkrimin e saj nga palët, dhe pas miratimit nga Këshilli i Ministrave të Republikës së Shqipërisë sipas përcaktimeve të nenit 48, të ligjit nr. 125/2013, “Për koncesionet dhe partneritetin publik privat”, të ndryshuar dhe ligjit nr. 9663, datë 18.12.2006, “Për koncesionet”, të ndryshuar.

Kjo kontratë shtesë u hartua në 6 (gjashtë) kopje dhe pasi iu lexua palëve, të cilat e kuptuan dhe e pranuan atë, e nënshkruan me vullnet të lirë e të plotë, dhe unë noteria e vërtetoj atë rregullisht.

AUTORITETI
KONTRAKTUES
MINISTRIA E ENERGISË
DHE INDUSTRIË
Përfaqësuar nga z. Koli Be

KONCESIONARI
“MATI HYDROPOWER”
SHPK
Përfaqësuar nga znj. Aida Nani

VENDIM

Nr. 532, datë 20.7.2016

PËR MBULIMIN E SHPENZIMEVE TË MJEKIMIT TË Z. DENIZ TUFINA

Në mbështetje të nenit 100 të Kushtetutës dhe të nenit 5, të ligjit nr. 147/2015, “Për buxhetin e vitit 2016”, me propozimin e ministrit të Shëndetësisë, Këshilli i Ministrave

VENDOSI:

1. Mbulimin e shpenzimeve të mjekimit të z. Deniz Tufina, në masën 1 400 000 (një milion e katërqind mijë) lekë.

2. Ky fond të përballohet nga Fondi i Sigurimit të Detyrueshëm të Kujdesit Shëndetësor.

3. Pagesa të bëhet me paraqitjen e faturave origjinale përkatëse të institucionit të mjekimit.

4. Ngarkohen Ministria e Shëndetësisë dhe Fondi i Sigurimit të Detyrueshëm të Kujdesit Shëndetësor për zbatimin e këtij vendimi.

Ky vendim hyn në fuqi menjëherë.

ZËVENDËSKRYEMINISTRI

Niko Peleshi

VENDIM

Nr. 533, datë 20.7.2016

PËR SHPRONËSIMIN, PËR INTERES PUBLIK, TË PRONARËVE TË PASURIVE TË PALUAJTSHME, PRONË PRIVATE, QË PREKEN NGA REALIZIMI I PROJEKTIT “RIKONSTRUKSION DHE RIKUALIFIKIM URBAN I LULISHTES PERËNDIMORE DHE SUPLEMENTI I SHESHIT QENDROR “TEODOR MUZAKA””, BERAT

Në mbështetje të nenit 100 të Kushtetutës, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ligjit nr. 160/2014, “Për buxhetin e vitit 2015”, dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e ministrit të Zhvillimit Urban, Këshilli i Ministrave



VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga realizimi i projektit “Rikonstruksion dhe rikualifikim urban i lulishtes perëndimore dhe suplementi i sheshit qendror “Teodor Muzaka””, Berat.

2. Shpronësimi të bëhet në favor të Bashkisë Berat.

3. Pronarët e pasurive të paluajtshme, që shpronësohen, të kompensohen në vlerë të plotë, sipas masës së kompensimit përkatës, që paraqitet në tabelën bashkëlidhur këtij vendimi, për pasuritë “tokë truall” dhe “ndërtesë”, me një vlerë të përgjithshme prej 19 017 035 (nëntëmbëdhjetë milionë e shtatëmbëdhjetë mijë e tridhjetë e pesë) lekësh.

4. Vlera e përgjithshme e shpronësimit, prej 19 017 035 (nëntëmbëdhjetë milionë e shtatëmbëdhjetë mijë e tridhjetë e pesë) lekësh, të përballohet nga llogaria “Fondi i shpronësimeve”, në Bankën e Shqipërisë. Shpenzimet procedurale, në vlerën 50 000 (pesëdhjetë mijë) lekë, të përballohen nga buxheti i vitit 2016, miratuar për Ministrinë e Zhvillimit Urban.

5. Shpronësimi të fillojë menjëherë pas botimit të këtij vendimi në Fletoren Zyrtare.

6. Pronarët e përmendur në listën që i bashkëlidhet këtij vendimi, të kompensohen, për efekt shpronësimi, pasi të kenë paraqitur dokumentacionin e plotë të pronësisë pranë Bashkisë Berat.

7. Zyra Vendore e Regjistrimit të Pasurive të Paluajtshme Berat, brenda 30 ditëve nga data e miratimit të këtij vendimi, në bashkëpunim me Bashkinë Berat, të fillojë procedurat për hedhjen e gjurmës së projektit në hartën kadastrale, sipas planimetrisë së shpronësimit, të miratuar, dhe të bëjë kalimin e pronësisë për pasuritë e shpronësuara në favor të shtetit.

8. Zyra Vendore e Regjistrimit të Pasurive të Paluajtshme Berat të pezullojë të gjitha transaksionet me pasuritë e shpronësuara, deri në momentin kur do të realizohen procesi i hedhjes së gjurmës së projektit në hartën kadastrale dhe kalimi i pronësisë për pasuritë e shpronësuara.

9. Ngarkohen Ministria e Financave, Ministria e Zhvillimit Urban, Zyra Vendore e Regjistrimit të Pasurive të Paluajtshme Berat dhe Bashkia Berat për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTRI

Niko Peleshi

TABELA E PASURIVE QË SHPRONËSOHEN, QË PREKEN NGA ZBATIMI I PROJEKTTI “RIKONSTRUKSION DHE RIKUALIFIKIM URBAN I LULISHTES PERËNDIMORE (LOTI OPSIONAL) DHE SUPLEMENTI I SHESHIT QENDROR “TEODOR MUZAKA” (LOTI 3 PJESOR)

Nr.	Pronari		Zona kadastrale	Nr. i pasurisë	Lloji i ndërtimit	Sipërfaqja		Çmimi		Vlera		Vlera gjithsej truall+ndërtesë
	emër	mbiemër				truall m ²	ndërtesë m ²	truall lekë	ndërtesë lekë	truall lekë	ndërtesë lekë	
1	Refat	Çobo	8502	11/153N1	Njësi	80	160	4183	situacion	334640	9173877,62	9508517.62
2	Shokic	Isufi	8502	11/153N2	Njësi	80	160	4183	situacion	334640	9173877,62	9508517.62
												19017035,24

VENDIM

Nr. 534, datë 20.7.2016

PËR SHPRONËSIMIN, PËR INTERES PUBLIK, TË PRONARËVE TË PASURIVE TË PALUAJTSHME, PRONË PRIVATE, QË PREKEN NGA NDËRTIMI I SEGMENTIT RRUGOR “UNAZA E MADHE TIRANË (KOMUNA E PARISIT-RRUGA E KAVAJËS) SHITESA”

Në mbështetje të nenit 100 të Kushtetutës dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private,

për interes publik”, me propozimin e ministrit të Transportit dhe Infrastrukturës, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga ndërtimi i segmentit rrugor “Unaza e madhe e Tiranës (Komuna e Parisit – Rruga e Kavajës) shitesa”.

2. Shpronësimi të bëhet në favor të Autoritetit Rrugor Shqiptar.

3. Pronarët e pasurive të paluajtshme, që shpronësohen, të kompensohen në vlerë të plotë,



sipas masës së kompensimit përkatës, që paraqitet në tabelën bashkëlidhur këtij vendimi, për pasuritë “truall” dhe “objekt”, me vlerë të përgjithshme shpronësimi prej 5 465 610 (pesë milionë e katërqind e gjashtëdhjetë e pesë mijë e gjashtëqind e dhjetë) lekësh, nga të cilat:

- tokë “truall”, me sipërfaqe 20 m², me vlerë 615 660 (gjashtëqind e pesëmbëdhjetë mijë e gjashtëqind e gjashtëdhjetë) lekë;

- “objekt”, me sipërfaqe 70 m², me vlerë 4 849 950 (katër milionë e tetëqind e dyzet e nëntë mijë e nëntëqind e pesëdhjetë) lekë.

4. Vlera përgjithshme e shpronësimit për pasuritë “truall” dhe “objekte”, prej 5 465 610 (pesë milionë e katërqind e gjashtëdhjetë e pesë mijë e gjashtëqind e dhjetë) lekësh, të përballohet nga buxheti i vitit 2016, miratuar për Ministrinë e Transportit dhe Infrastrukturës, zëri “Shpronësime”, planifikuar për Autoritetin Rrugor Shqiptar.

5. Shpenzimet procedurale, në vlerën 70 000 (shtatëdhjetë mijë) lekë, të përballohen nga Autoriteti Rrugor Shqiptar.

6. Likuidimi i pronarëve të fillojë pas çeljes së fondit të përcaktuar në pikën 4 të këtij vendimi.

7. Pronarët e pasurive të përmendur në listën që i bashkëlidhet këtij vendimi, për të cilat është bërë shënimi “Konfirmuar nga ZVRPP-ja”, “Vërtetim hipotekor”, “Certifikatë pronësie”, të likuidohen, për efekt shpronësimi, në bazë të dokumentacionit të plotë të pronësisë që do të dorëzojnë pranë Autoritetit Rrugor Shqiptar.

8. Autoriteti Rrugor Shqiptar të kryejë

REPUBLIKA E SHQIPËRISË
MINISTRIA E TRANSPORTIT DHE INFRASTRUKTURËS
AUTORITETI RRUGOR SHQIPTAR
SEKTORI I SHPRONËSIMEVE

LISTA E PRONARËVE PASURITË E TË CILËVE SHPRONËSOHEN NGA NDËRTIMI I “UNAZA E MADHE E TIRANËS”

SEGMENTI KOMUNA E PARISIT-RRUGA E KAVAJËS) SHITESA

Nr. rendor	PRONARI			Z. kadastrale	Nr. pasurie	VLERA E SHPRONËSIMIT			Vlera totale (lekë)	Shënime
	Emri	ATËSIA	MBIEMRI			Sip. Truall (m ²)	Çmimi (lekë/m ²)	Vlera (lekë)		
	Mevlude Agolli			8260	1/54+1-1	13	30,783	400,179	400,179	Kufizim nga ZVRPP-ja
	Mevlude Agolli			8260	1/54+1-2	7	30,783	215,481	215,481	Konfirmuar nga ZVRPP-ja
	SHUMA					20		615,660	615,660	

likuidimet, për efekt shpronësimi, në bazë të pikave 4, 5, 6 dhe 7 të këtij vendimi.

9. Brenda 30 ditëve nga data e miratimit të këtij vendimi, Zyra Qendrore e Regjistrimit të Pasurive të Paluajtshme dhe Zyra Vendore e Regjistrimit të Pasurive të Paluajtshme Tiranë, në bashkëpunim me Autoritetin Rrugor Shqiptar, të fillojnë procedurat për hedhjen e trupit të rrugës në hartat kadastrale, sipas planimetrisë së shpronësimit që do t'u vihet në dispozicion nga Autoriteti Rrugor Shqiptar, dhe, me fillimin e procesit të likuidimit, të fillojë edhe procesi i kalimit të pronësisë për pasuritë e shpronësuara në favor të shtetit.

10. Zyra Qendrore e Regjistrimit të Pasurive të Paluajtshme dhe Zyra Vendore e Regjistrimit të Pasurive të Paluajtshme Tiranë të pezullojnë të gjitha transaksionet me pasuritë e shpronësuara, deri në momentin kur do të realizohen procesi i hedhjes së trupit të rrugës në hartat kadastrale dhe kalimi i pronësisë për pasuritë e shpronësuara.

11. Ngarkohen Ministria e Transportit dhe Infrastrukturës, Ministria e Financave, Autoriteti Rrugor Shqiptar, Zyra Qendrore e Regjistrimit të Pasurive të Paluajtshme dhe Zyra Vendore e Regjistrimit të Pasurive të Paluajtshme Tiranë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTRI
Niko Peleshi



LISTA E PRONARËVE PASURITË E TË CILËVE SHPRONËSOHEN NGA NDËRTIMI
I “UNAZA E MADHE E TIRANËS”
SEGMENTI KOMUNA E PARISIT–RRUGA E KAVAJËS) (SHITESA OBJEKTET)

Nr. rendor	PRONARI			Z. kadastrale	Nr. pasurie	Sipërfaqja e objekteve (banesë) m ²	Çmimi mesatar(l/m ²)	Vlera sipas çmimit mesatar (lekë)	VLERA TOTALE (lekë)	Shënime
	Emri	Atësia	Mbiemri							
1	Shefike Genc Valbona	Shyqyri Ahmet Ahmet	Imeri Imeri Seferi	8260	1/275/ ND	70	69,285	4,849,950	4,849,950	Konfirmuar nga ZVRPP-ja nr. 13296/1, datë 18.5.2016
	SHUMA					70		4,849,950	4,849,950	

VENDIM

Nr. 5813, datë 15.7.2016

PËR DELEGIM KOMPETENCE

Në mbështetje të pikës 4, të nenit 102, të Kushtetutës së Republikës së Shqipërisë, të ligjit nr. 7850, datë 29.7.1994, “Kodi Civil i Republikës së Shqipërisë”, të ndryshuar, të nenit 22, pika 3, të ligjit nr. 44/2015, datë 28.5.2015, “Kodi i Procedurave Administrative”, të ligjit nr. 9643, datë 20.11.2006, “Për prokurimin publik”, të ndryshuar, nenit 15, pika 3, të ligjit nr. 90/2012, “Për organizimin dhe funksionimin e administratës shtetërore” të kreut VII, nenit 56, të vendimit të Këshillit të Ministrave nr. 914, datë 20.12.2014, “Për miratimin e rregullave të prokurimit publik”,

VENDOSA:

1. Z. Ergys Qirici, me detyrë drejtor i përgjithshëm i Shërbimeve Mbështetëse në Ministrinë e Zhvillimit Ekonomik, Turizmit, Tregtisë dhe Sipërmarrjes, të ushtrojë përkohësisht kompetencat ligjore të Sekretarit të Përgjithshëm, duke përfshirë dhe kompetencat e titullarit të autoritetit kontraktor deri në datën e emërimit të Sekretarit të Përgjithshëm në ministri.

2. Data e fillimit të kompetencave të deleguara është data e hyrjes në fuqi të këtij vendimi.

3. Autorizimi nr. 3583, prot., datë 4.5.2016 dhe çdo akt që bie në kundërshtim me këtë vendim shfuqizohet.

4. Ky vendim hyn në fuqi menjëherë.

MINISTRI I ZHVILLIMIT EKONOMIK,
TURIZMIT, TREGTISË DHE SIPËRMARRJES
Milva Ekonomi

URDHËR

Nr. 3762, datë 18.7.2016

PËR MIRATIMIN E PROPOZIMIT TË KËSHILLIT DREJTUES TË AGJENCISË SË SIGURIMIT TË DEPOZITAVE

Në bazë dhe për zbatim të nenit 53, pika 5, shkronja “b”, të ligjit nr. 53/2014, datë 22.5.2014, “Për sigurimin e depozitave”, i ndryshuar; të nenit 53, pika 4, të ligjit nr. 8269, datë 23.12.1997, “Për Bankën e Shqipërisë”, i ndryshuar, dhe vendimit nr. 13, datë 8.6.2016, të Këshillit Drejtues të Agjencisë së Sigurimit të Depozitave,

URDHËROJ:

1. Miratimin e rregullores “Për kompensimin e depozitave të siguruar”, sipas tekstit bashkëlidhur këtij urdhri.

2. Ngarkohet Agjencia e Sigurimit të Depozitave me ndjekjen e zbatimit të këtij urdhri.

3. Ngarkohet Departamenti i Kërkimeve, për publikimin e këtij vendimi në Fletoren Zyrtare të Republikës së Shqipërisë.

4. Ky urdhër hyn në fuqi 15 ditë pas publikimit në Fletoren Zyrtare të Republikës së Shqipërisë.

5. Me hyrjen në fuqi të këtij urdhri, urdhri nr. 1827, datë 16.3.2008, për miratimin e rregullores “Për kompensimin e depozitave”, shfuqizohet.

GUVERNATORI I BANKËS SË
SHQIPËRISË
Gent Sejko

**RREGULLORE****PËR KOMPENSIMIN E DEPOZITAVE TË
SIGURUARA****KREU I****DISPOZITA TË PËRGJITHSHME****Neni 1****Objekti**

Objekti i kësaj rregulloreje është përcaktimi i:

a) rregullave të përgjithshme në lidhje me fazat, mënyrat dhe afatet për kompensimin e depozitave të siguruara;

b) rregullave që zbatohen për prokurimet e mallrave dhe shërbimeve nga Agjencia për të përmbushur funksionet e saj në rast të kompensimit të depozitave;

c) marrëdhënieve ndërmjet subjekteve pjesëmarrëse në procesin e kompensimit të depozitave.

Neni 2**Baza ligjore**

Kjo rregullore hartohet në mbështetje dhe zbatim të neneve 1, pika 2, neneve 11, 38, 39, 40, 41, 42, pika 7, 44, pika 2, të ligjit nr. 53/2014, datë 22.5.2014, “Për sigurimin e depozitave”, i ndryshuar, si dhe të nenit 53, pika 4, të ligjit nr. 8269, datë 23.12.1997, “Për Bankën e Shqipërisë”, i ndryshuar.

Neni 3**Subjektet**

Subjekte të kësaj rregulloreje janë bankat dhe SHKK-të, likuidatori, subjektet në likuidim të detyruar, bankat agente dhe subjektet mbështetëse të kontraktuara nga Agjencia për kryerjen e procesit të kompensimit.

Neni 4**Përkufizimi i termave**

1. Termat e përdorur në këtë rregullore do të kenë të njëjtin kuptim me përcaktimet e ligjit “Për sigurimin e depozitave”, i ndryshuar.

2. Në zbatim të kësaj rregulloreje, termat e mëposhtëm kanë kuptim si vijon:

a) Bankë agente është banka anëtare e skemës së sigurimit të depozitave, e cila përzgjidhet nga Këshilli Drejtues i Agjencisë për kryerjen e procesit të kompensimit, në emër dhe për llogari të Agjencisë si agjent pagese.

b) Subjekt nën likuidim të detyruar është subjekti, i cili i nënshtrohet procesit të likuidimit të detyruar sipas ligjit “Për bankat në Republikën e Shqipërisë” dhe ligjit “Për shoqëritë e kursim kreditit”.

c) Subjekt mbështetës është individ, personi fizik tregtar apo juridik, i cili përzgjidhet nga Agjencia për kryerjen e shërbimeve dhe ofrimin e mallrave për përgatitjen dhe zbatimin e procesit të kompensimit.

ç) Paraqitja unike e depozituesve “Single Customer View” janë të dhënat e konsoliduara për identifikimin e çdo depozituesi në mënyrë unike në sistemin informatik të subjektit anëtar të skemës, nëpërmjet të dhënave personale të një depozituesi konkret, ku përcaktohet saktë shuma e kompensimit që përfiton ky depozitues.

d) Listë pagesa është dokumenti i dorëzuar nga likuidatori, që përmban paraqitjen unike të depozituesve që përfitojnë kompensim dhe shumat përkatëse për kompensim nga Agjencia dhe që pas kontrollit nga Agjencia i dërgohet bankës agente.

dh) Detyrimet e papaguara në kohë janë detyrimet e depozituesve kundrejt subjektitanëtar të skemës, të përlllogaritura nga dita e nesërme e datës së maturimit të tyre.

e) Përfaqësuesi i depozituesit është personi i autorizuar me prokurë ose nga ligji, trashëgimtari i depozituesit, ose çdo individ tjetër, që në bazë të tagrave ligjore paraqitet për të përfituar kompensimin e depozitës.

ë) Simulim është procesi i testimi të aftësisë të Agjencisë, të subjekteve të skemës të sigurimit të depozitave dhe të subjekteve mbështetëse për kryerjen e procesit të kompensimit.

f) “Sistemi informatik për raportim dhe kompensim i Agjencisë së Sigurimit të Depozitave” ka të njëjtin kuptim me termin e përkufizuar në pikën 4, të nenit 26, të ligjit “Për sigurimin e depozitave”, i ndryshuar, dhe këtu e në vijim do të referohet si “SIRK”.

3) Titujt dhe krerët në këtë rregullore janë përdorur vetëm për orientim e referim dhe nuk kanë për qëllim të kushtëzojnë ose të kufizojnë interpretimin e përcaktimeve dhe të dispozitave të kësaj rregulloreje.

4. Në këtë rregullore, fjalët në njëjës mund të interpretohen në shumës dhe anasjellas, kurdoherë që një gjë e tillë është e domosdoshme nga përmbajtja e dispozitës.



5. Termat në gjininë mashkullore nënkuptojnë dhe gjininë femërore dhe anasjelltas.

KREU II PËRGATITJA PËR KOMPENSIM GJATË VEPRIMTARISË SË PËRDITSHME

Neni 5 Burimet njerëzore

1. Agjencia ka të drejtë të punësojë personel shtesë, me kontratë me afat, pa procedurë konkurrimi, të cilët mund të jenë punonjës të Autoritetit Mbikëqyrës, të bankës agjente, specialistë nga institucionet homologe, si dhe ekspertë ndërkombëtarë.

2. Agjencia kryen trajnime të vazhdueshme të burimeve njerëzore të saj, bankës agjente, si dhe subjekteve mbështetëse, për zbatimin e saktë dhe në kohë të procesit të kompensimit.

Neni 6 Teknologjia e informacionit

1. Agjencia krijon, përshtat dhe mirëmban SIRK me qëllim kompensimin e shpejtë dhe të saktë të depozitave.

2. Subjektet anëtare të skemës plotësojnë kushtet për listë pagesën me paraqitjen unike të depozituesit “Single Customer View”, sipas formatit standard të skedarëve të përcaktuar me vendim të Këshillit Drejtues të Agjencisë dhe marrin pjesë në simulime për këtë qëllim.

3. Subjektet anëtare raportojnë paraqitjen unike të depozituesit “Single Customer View” brenda afatit të përcaktuar në kërkesën e Agjencisë.

Neni 7 Mjaftueshmëria e mjeteve financiare

1. Agjencia harton strategjinë për sigurimin e mjeteve likuide të nevojshme sipas subjektit anëtar përkatës dhe kryen analizën për kostot e procesit të kompensimit, si dhe të mënyrave të kryerjes së tij.

2. Strategjia për sigurimin e mjeteve likuide të nevojshme është subjekt simulimi.

Neni 8 Informimi i publikut dhe komunikimi me depozituesit

1. Agjencia harton strategjinë për informimin e publikut dhe komunikimin me depozituesit.

2. Autoriteti Mbikëqyrës dhe Agjencia krijojnë strategji të përbashkëta komunikimi për skenarë të ndryshëm të ngjarjeve të sigurimit.

3. Strategjitë e komunikimit, janë subjekt i simulimeve të përbashkëta midis Autoritetit Mbikëqyrës dhe Agjencisë.

Neni 9 Përzgjedhja e bankës agjente dhe subjekteve mbështetëse

1. Agjencia kryen procedurat e përzgjedhjes të bankës agjente dhe subjekteve mbështetëse në përputhje me kreun IV të kësaj rregulloreje, si dhe kryen simulime me to për përmbushjen e funksioneve të tyre gjatë procesit të kompensimit.

2. Subjektet anëtare të skemës së sigurimit të depozitave i raportojnë Agjencisë me kërkesë të saj, kontratat që ato kanë me operatorë të ndryshëm, që ofrojnë shërbime mbështetëse.

Neni 10 Verifikime në subjektet anëtare të skemës

Agjencia verifikon në subjektet anëtare:

a) mbajtjen e të dhënave për depozitat dhe depozituesit në subjektin anëtar të skemës;

b) nxjerrjen e listëpagesës me paraqitjen unike të depozituesve “Single Customer View”;

c) nxjerrjen e listës së depozituesve, që për shkaqe sociale mund të përfitojnë pagesa paraprake dhe të pjesshme të kompensimit.

Neni 11 Bashkëveprimi i Autoritetit Mbikëqyrës me Agjencinë

1. Autoriteti Mbikëqyrës informon Agjencinë, në rast të rrethanave që mund të shkaktojnë ngjarje sigurimi me qëllim marrjen e masave përgatitore për kryerjen e kompensimit të depozitave brenda një afati të arsyeshëm.

2. Autoriteti Mbikëqyrës, ndër të tjera:

a) fton punonjës të Agjencisë, në rast të kryerjes së inspektimeve në subjekt;

b) siguron pjesëmarrjen e Agjencisë në grupet e punës të ngritura në rastet e përcaktuara në pikën 1 të këtij neni;

c) konsultohet me Agjencinë për kryerjen e vlerësimit të kostove së kompensimit të depozitave për të përcaktuar domosdoshmërinë e kryerjes së kompensimit nëpërmjet pagesës së depozitave apo transferimit të mjeteve financiare të Agjencisë;



ç) i jep Agjencisë të dhëna mbi gjendjen financiare të bankave me qëllim përzgjedhjen e bankës agjente;

d) shqyrton për miratim brenda 7 ditëve, propozimin e Agjencisë për mbledhjen e primit përpara afatit, rritjen e tij dhe mbledhjen e kontributit të jashtëzakonshëm.

KREU III

PROCESI I KOMPENSIMIT

Neni 12

Fazat e procesit të kompensimit

1. Procesi i kompensimit realizohet nëpërmjet tri fazave:

a) përgatitjet paraprake për kompensimin e depozitave;

b) kryerja e pagesave të kompensimit të depozitave; dhe

c) mbyllja e procesit të kompensimit.

2. Agjencia miraton akte të brendshme për organizimin e punës në Agjenci për kompensim.

Neni 13

Përgatitjet paraprake për kompensimin e depozitave

1. Këshilli Drejtues i Agjencisë autorizon drejtorin e përgjithshëm për kryerjen e procedurave të përgatitjes për kompensimin e depozitave, me marrjen e informacionit nga Autoriteti Mbikëqyrës sipas nenit 11, pika 1, të kësaj rregulloreje, ose në çdo rast tjetër kur e gjykon të arsyeshme nisur nga kushtet e tregut.

2. Kjo fazë zgjat deri në momentin kur nis kryerja e pagesave të kompensimit.

3. Drejtori i përgjithshëm, me marrjen e autorizimit nga Këshilli Drejtues, zbaton masat vijuese për përgatitjen paraprake për kompensim, por pa u kufizuar:

a) verifikon mbajtjen e të dhënave për depozitat dhe depozituesit në subjekt;

b) i kërkon subjektit të mundësojë listëpagesën me paraqitjen unike të depozituesve “Single Customer View” dhe ta përmirësojë atë sipas formatit standard të skedarëve të përcaktuar me vendim të Këshillit Drejtues të Agjencisë;

c) i kërkon subjektit të mundësojë listën e depozituesve, që për shkaqe sociale mund të përfitojnë pagesa paraprake dhe të pjesshme të kompensimit;

ç) rishikon strategjinë për sigurimin e mjeteve likuide, të nevojshme sipas subjektit përkatës, me synim optimizimin e kostove dhe respektimin e afateve ligjore të kompensimit;

d) kryen analizën për kostot e procesit të kompensimit, si dhe të mënyrave të kryerjes së tij në zbatim të nenit 14, pika 3, të kësaj rregulloreje;

dh) rishikon strategjinë për informimin e publikut;

e) verifikon përmbushjen e kriterëve të përgjithshme dhe teknike nga bankat agjente dhe merr ofertat ekonomike për caktimin e bankës agjente;

ë) merr oferta ekonomike nga subjektet mbështetëse;

f) analizon mjaftueshmërinë e burimeve njerëzore dhe merr masa për plotësimin dhe trajnimin e tyre;

g) bashkëpunon me Autoritetin Mbikëqyrës dhe Ministrinë e Financave për zbatimin e procesit të kompensimit;

gj) propozon rishikimin e kuadrit rregullativ dhe rishikon aktet e brendshme, në rast se konsiderohet e nevojshme.

Neni 14

Kompensimi i depozitave

1. Me marrjen e njoftimit me shkrim nga Autoriteti Mbikëqyrës për vendosjen e subjektit në likuidim të detyruar, Këshilli Drejtues i Agjencisë miraton aktet e brendshme për kompensimin e depozitave, në veçanti përzgjedhjen e bankës agjente, si dhe rishikimin e buxhetit, përfshirë përdorimin e mjeteve financiare të investuara.

2. Agjencia brenda njëzet ditëve pune nga marrja e njoftimit sipas pikës 1 të këtij neni, fillon kryerjen e pagesave të kompensimit të depozitave.

3. Mënyrat e pagesës së kompensimit, përveç atyre të parashikuara në ligjin “Për sigurimin e depozitave”, të ndryshuar, janë:

a) pagesa nëpërmjet shërbimit postar;

b) pagesa nëpërmjet ATM-ve; ose

c) kombinimi i mënyrave të lejuara të pagesës.

Neni 15

Dërgimi i listëpagesës

1. Likuidatori dërgon në Agjenci listëpagesën me paraqitjen unike të depozituesve “Single Customer View” brenda 2 ditëve nga vendosja e subjektit në likuidim të detyruar. Dërgimi i listëpagesës në Agjenci kryhet nëpërmjet



ngarkimit të të dhënave në SIRK sipas formatit standard të skedarëve të përcaktuar me vendim të Këshillit Drejtues të Agjencisë, si dhe me shkresë të shoqëruar me mjete elektronike.

2. Listëpagesa, sipas pikës 1 të këtij neni, përmban vlerën neto të depozitave që kompensohen deri në nivelin maksimal të mbulimit, nga e cila janë zbritur të gjitha detyrimet sipas ligjit “Për sigurimin e depozitave”, të ndryshuar, përfshirë ato tatimore të pagueshme në përputhje me legjislacionin në fuqi.

3. Ngarkimi i të dhënave në SIRK shoqërohet me dërgimin e deklaratës së përputhshmërisë të përcaktuar në aneksin 2 të kësaj rregulloreje. Kjo deklaratë nënshkruhet nga likuidatori dhe personat përgjegjës të ngarkuar për hartimin e listë pagesës.

4. Agjencia kryen kontrollin e të dhënave të ngarkuara në SIRK, të cilat klasifikohen në tri grupe:

- të dhëna tërësisht të përputhshme dhe të gatshme për pagesë;
- të dhëna pjesërisht të përputhshme dhe të dyshuara;
- të dhëna të pasakta dhe të bllokuara.

5. Pastrimi i të dhënave kryhet për të identifikuar të dhënat me cilësi të papërpunueshme, siç mund të jenë gabime shkrimi, të dhëna personale të dublikuara apo parregullsi të tjera.

6. Të dhënat tërësisht të përputhshme dhe të gatshme për pagesë, verifikohen nëpërmjet SIRK-së, sipas akteve të miratuara nga Këshilli Drejtues i Agjencisë.

7. Të dhënat e vlerësuara si tërësisht të përputhshme dhe të gatshme për pagesë, miratohen nga strukturat përkatëse të Agjencisë sipas akteve të miratuara nga Këshilli Drejtues dhe përfshihen në një listë pagesë, të konsoliduar për çdo depozitues.

8. Listëpagesa e saktë dhe e konsoliduar për kompensimin e depozituesve të siguruar, e shoqëruar me shkresë dhe në mënyrë elektronike, i dërgohet bankës agjente ose subjektit në likuidim, sipas mënyrës së kompensimit.

9. Pjesa e mbetur e të dhënave i kthehen likuidatorit për saktësime përkatëse.

10. Likuidatori korrigjon të dhënat e pasakta, të paplota, të rreme apo të falsifikuara dhe i

ngarkon ato në të njëjtën mënyrë sipas përcaktimeve të këtij neni dhe afatit të përcaktuar nga Agjencia.

Neni 16

Bashkëpunimi me likuidatorin

1. Në procesin e kompensimit likuidatori bashkëpunon me Agjencinë në lidhje me:

- a) kryerjen e kompensimit nëpërmjet subjektit nën likuidim të detyruar dhe/ose bankës agjente;
- b) shqyrtimin e ankesave të depozituesve në lidhje me kompensimin e depozitave;
- c) informimin e punonjësve të subjektit nën likuidim të detyruar dhe depozituesve për kompensimin e depozitave;
- ç) mbrojtjes të interesave të Agjencisë për mbulimin e shpenzimeve dhe shumave të paguara prej saj nga procesi i likuidimit.

2. Likuidatori plotëson kushtet për paraqitjen unike të depozituesit “Single Customer View”, sipas nenit 15 të kësaj rregulloreje.

3. Likuidatori i dërgon Agjencisë informacionin e parashikuar në ligjin për sigurimin e depozitave, të ndryshuar, si dhe çdo informacion të kërkuar prej saj, në veçanti, në lidhje me:

- a) pasqyrat kontabël dhe statistikore për veprimet me depozitat gjatë tre muajve të fundit përpara vendosjes së subjektit në likuidim;
- b) të dhëna mbi mashtrimet me depozitat apo depozitat e përdorura për qëllime të pastrimit të parasë ose financimit të terrorizmit;
- c) të dhëna mbi pikat e subjektit nën likuidim të hapura për kompensimin e depozitave dhe regjimin e tyre të punës në rast se kompensimi i depozitave kryhet në subjektin e vendosur në likuidim;

ç) të dhëna mbi pagesat e kryera të kompensimit përfshirë pagesat paraprake dhe të pjeshme nëse ka, si dhe bilancin e depozitave të papaguara, në rast se kompensimi i depozitave kryhet në subjektin e vendosur nën likuidim;

d) të dhëna mbi punonjësit e subjektit nën likuidim dhe subjektet mbështetëse që kanë lidhje me kompensimin e depozitave;

dh) njofton Agjencinë për çdo ankesë që mund t'i paraqitet nga depozituesit lidhur me kompensimin e depozitave, si dhe mbështet atë për shqyrtimin e saj.

4. Në rastet kur konstatohet se kompensimi është kryer mbi të dhëna të pavërteta dhe të



pasakta, likuidatori i rimbursos Agjencisë shumë e kompensuar gabimisht.

5. Kur kompensimi kryhet nga banka agjente, Agjencia informon likuidatorin për depozituesit e kompensuar.

Neni 17

Marrëdhënia me bankën agjente

1. Drejtori i përgjithshëm nënshkruan autorizimin për kompensimin e depozitave, që i dërgohet bankës agjente, sipas kreut IV të kësaj rregulloreje.

2. Agjencia i dërgon bankës agjente listëpagesën me paraqitjen unike të depozituesve “Single Customer View”, sipas aneksit 1 bashkëlidhur kësaj rregulloreje, të shoqëruar me shkresë dhe në mënyrë elektronike.

3. Agjencia i transferon bankës agjente mjetet likuide për kompensimin e depozitave, si dhe paguan për ofrimin e këtij shërbimi sipas shumave të negociuara me të, përveç rastit kur ky shërbim ofrohet falas.

4. Banka agjente i raporton Agjencisë sipas kërkesave të saj dhe në përputhje me kushtet edhe dokumentet tip, të parashikuara në kontratën e agjencisë, në veçanti, për:

a) shumat dhe numrin e depozituesve që kanë përfituar nga kompensimi;

b) shumat dhe numrin e depozituesve që kanë mbetur për t'u kompensuar.

5. Për çështje që nuk janë rregulluar shprehimisht në këtë rregullore dhe në kontratën e kompensimit të depozitave, palët veprojnë në përputhje me ligjin “Për sigurimin e depozitave”, i ndryshuar, dhe aktet nënligjore në fuqi.

Neni 18

Informimi i publikut dhe komunikimi me depozituesit

1. Agjencia informon publikun dhe komunikon me depozituesit për fillimin, ecurinë dhe përfundimin e procesit të kompensimit.

2. Mënyrat e informimit dhe komunikimit janë, por pa u kufizuar:

a) konferenca për shtyp;

b) publikime, komunikime në media;

c) njoftime në faqen zyrtare të internetit të Agjencisë;

ç) komunikime nëpërmjet linjave telefonike falas dhe pa pagesë dhe qendrave telefonike;

Faqe | 11306

d) komunikime nëpërmjet profileve elektronike të Agjencisë në rrjetet sociale.

Neni 19

Procedurat e pagesës

1. Depozituesi, për të përfituar kompensimin e depozitës, paraqet dokumentacionin identifikues sipas aneksit 3 të kësaj rregulloreje.

2. Procedura e pagesës së shumës së kompensimit kryhet në përputhje me aneksin 3 të kësaj rregulloreje dhe kontratën për kompensimin e depozitave.

Neni 20

Pretendimet e depozituesve

1. Çdo depozitues, që përfiton kompensim nga skema e sigurimit të depozitave, mund të paraqesë pretendimet e tij duke plotësuar dokumentet tip, të miratuara nga drejtori i përgjithshëm i Agjencisë dhe të publikuara në faqen zyrtare të internetit të Agjencisë.

2. Ankesa mund të paraqitet brenda gjashtëdhjetë ditëve kalendarike nga marrja e refuzimit të kompensimit të depozitave.

3. Pagesat e kompensimit refuzohen nëse:

a) të dhënat identifikuese të paraqitura, si dhe shuma e depozitës të pretenduar nuk përputhen me të dhënat e listëpagesës;

b) në listëpagesë nuk është i përfshirë pretenduesi i shumës së sigurimit.

4. Agjencia i jep likuidatorit të dhënat mbi pretendimet e paraqitura në bankën agjente dhe merr të dhëna për ankesat e paraqitura nga depozituesit në subjektin e vendosur në likuidim të detyruar.

5. Në rast se kompensimi i depozitave kryhet në subjektin e vendosur në likuidim të detyruar, likuidatori mban të dhëna të konsoliduara mbi ankesat e depozituesve të paraqitura tek ai dhe informon Agjencinë në lidhje me to sipas kërkesës së saj.

6. Agjencia dhe likuidatori, shqyrtojnë pretendimet e depozituesve së bashku me dokumentacionin mbështetës të paraqitur prej tyre. Likuidatori korrigjon të dhënat e listë pagesës sipas vendimit të Agjencisë për pretendimet dhe ia dërgon atë asaj në të njëjtën mënyrë sipas nenit 15 të kësaj rregulloreje.

7. Në rast se për vlerësimin e ankesës gjykohej se duhet të paraqiten dokumente dhe fakte të



tjera që vërtetojnë pretendimin për kompensimin e depozitës, depozituesi i paraqet ato brenda 8 ditësh pune nga njoftimi i Agjencisë.

8. Çdo depozitues ka të drejtën të ankimojë vendimin e Agjencisë pranë Autoritetit Mbikëqyrës brenda 15 ditëve kalendarike nga data e vendimit të Agjencisë.

Neni 21

Mbyllja e procesit të kompensimit

1. Në përfundim të afatit ligjor të kompensimit, Këshilli Drejtues i Agjencisë merr vendime për mbylljen e këtij procesi sipas akteve të brendshme të Agjencisë.

2. Këshilli Drejtues i Agjencisë analizon ecurinë e procesit të kompensimit nëpërmjet raportimeve të subjekteve të përfshira në të, si dhe miraton planin e masave për përmirësimin e këtij procesi.

3. Në përfundim të procesit të kompensimit Agjencia kryen njoftimin e depozituesve që nuk janë paraqitur brenda afatit të kompensimit.

KREU IV

PËRZGJEDHJA E BANKAVE AGJENTE DHE SUBJEKTEVE MBËSHTETËSE

Neni 22

Fazat e përzgjedhjes së bankave agjente dhe subjekteve mbështetëse

1. Në zbatim të nenit 42, pika 7, të ligjit për sigurimin e depozitave i ndryshuar, përzgjedhja e bankave agjente bëhet në dy faza:

a) Faza e parë - vlerësimi i bankave anëtare të skemës sipas kriterëve të përgjithshme dhe teknike dhe nënshkrimi i kontratave për kryerjen e kompensimit të depozitave me bankat e përzgjedhura në listën paraprake. Kjo fazë realizohet gjatë veprimtarisë së përditshme sipas kreut II të kësaj rregulloreje. Lista paraprake përbëhet nga jo më shumë se tri banka anëtare të cilat përmbushin kriteret e përgjithshme dhe marrin nga vlerësimi i kriterëve teknike pikët më të larta sipas rendit zbritës, sipas aneksit 4 të kësaj rregulloreje.

b) Faza e dytë - vlerësimi i ofertave ekonomike nga bankat e përzgjedhura në listën paraprake gjatë përgatitjes paraprake sipas nenit 12, pika 1, shkronja “a” të kësaj rregulloreje dhe dërgimi i autorizimeve për kryerjen e kompen-

simit të depozitave bankës agjente të shpallur fituese, pas njoftimit me shkrim nga Autoriteti Mbikëqyrës për vendosjen e subjektit në likuidim të detyruar.

2. Në rast pamundësie për të kryer procedurat për përzgjedhjen e bankës agjente, Këshilli Drejtues i Agjencisë, me propozim të drejtorit të përgjithshëm, vendos për nënshkrimin e kontratës në mënyrë të drejtpërdrejtë me një bankë nga bankat anëtare të skemës. Në këtë rast, Këshilli Drejtues mund të kërkojë opinionin zyrtar të Autoritetit Mbikëqyrës për përzgjedhjen e bankës agjente në mënyrë të drejtpërdrejtë.

3. Në zbatim të nenit 42, pika 7, të ligjit për sigurimin e depozitave, i ndryshuar, përzgjedhja e subjekteve mbështetëse kryhet gjatë periudhës së përgatitjes për kompensim në veprimtarinë e përditshme sipas kreut II, si edhe në procesin e kompensimit sipas kreut III të kësaj rregulloreje.

Neni 23

Kompetencat për përzgjedhjen e bankave agjente

1. Këshilli Drejtues i Agjencisë përzgjedh çdo tre vjet bankat agjente nga bankat anëtare të skemës për sigurimin e depozitave.

2. Këshilli Drejtues i Agjencisë krijon një komision të përhershëm vlerësimi për përzgjedhjen e bankave agjente. Në këtë vendim përcaktohet edhe kryetari i komisionit.

3. Komisioni i përhershëm i vlerësimit përbëhet nga 5 persona si vijon: një anëtar i Këshillit Drejtues të Agjencisë, drejtori i përgjithshëm i Agjencisë, një përfaqësues i Autoritetit Mbikëqyrës dhe punonjës të Agjencisë. Në të mund të përfshihen edhe specialistë/ekspertë të fushës. Autoriteti Mbikëqyrës, me kërkesë të komisionit të përhershëm të vlerësimit, paraqet opinionin zyrtar për gjendjen financiare të bankave anëtare të skemës, i cili përfshin të dhëna jo më të hershme se tre muaj nga data e zhvillimit të vlerësimit.

Neni 24

Faza e parë - përzgjedhja e bankave në listën paraprake

1. Përzgjedhja e bankave anëtare në listën paraprake kryhet gjatë periudhës së përgatitjes për kompensim në veprimtarinë e përditshme sipas kreut II të kësaj rregulloreje. Kjo fazë fillon



me dërgimin e ftesës bankave anëtare të skemës dhe përfundon me marrjen e vendimit nga Këshilli Drejtues i Agjencisë për përzgjedhjen e bankave në listën paraprake.

2. Këshilli Drejtues i Agjencisë autorizon Komisionin e Përhershëm të Vlerësimit për fillimin e procedurave sipas këtij neni.

3. Drejtori i përgjithshëm nënshkruan ftesën që i dërgohet të gjithave bankave anëtare të skemës. Ftesat shoqërohen me kriteret e përgjithshme dhe teknike të kualifikimit, udhëzime, kushtet e kontratës për kryerjen e kompensimit të depozitave, si dhe çdo informacion tjetër të nevojshëm.

4. Vlerësimi i bankave anëtare të skemës nga komisioni i përhershëm kryhet në përputhje me kriteret dhe procedurat e përcaktuara në aneksin 4 të kësaj rregulloreje.

5. Këshilli Drejtues shqyrton raportin e komisionit të përhershëm të vlerësimit dhe merr vendim për nënshkrimin e kontratës për kryerjen e kompensimit të depozitave me jo më shumë se tri bankat anëtare të renditura të parat në klasifikim.

6. Kontratat nënshkruhen me tri bankat anëtare të cilat, vlerësohen se:

- a) përmbushin kriteret e përgjithshme; dhe
- b) marrin pikët më të larta për përmbushjen e kriterëve teknike sipas rendit zbritës.

7. Aktet e Këshillit Drejtues të Agjencisë për përzgjedhjen e bankave agjente janë përfundimtare dhe nuk mund të ankimohen.

Neni 25

Nënshkrimi i kontratave me bankat e përzgjedhura në listën paraprake

1. Kontratat për kryerjen e kompensimit nënshkruhen nga drejtori i përgjithshëm i Agjencisë brenda afatit të përcaktuar në vendimin e Këshillit Drejtues për përzgjedhjen e bankave në listën paraprake.

2. Afati i kontratave është 1-vjeçar (njëvjeçar) dhe me të drejtë rinovimi njëvjeçarë edhe për 2 (dy) vjet pasuese.

3. Drejtori i përgjithshëm miraton dhe nënshkruan kontratën tip për kryerjen e kompensimit të depozitave me bankat agjente, e cila përcakton të drejtat dhe detyrimet e palëve, kushtet e ofrimit të shërbimit, si dhe dokumentet udhëzuese për kryerjen e tij.

4. Bankat e përzgjedhura në listën paraprake, me të cilat janë nënshkruar kontratat për kryerjen e kompensimit të depozitave, rivlerësohen çdo vit nga komisioni i përhershëm i vlerësimit për përputhshmërinë me kriteret e përgjithshme dhe teknike.

5. Kontrata konsiderohet e rinovuar edhe për 1 (një) vit, nëse banka me vendim të Këshillit Drejtues të Agjencisë plotëson të gjitha kriteret e përgjithshme dhe teknike.

6. Agjencia merr masa për përzgjedhjen e bankave agjente në listën paraprake, 6 muaj përpara përfundimit të kontratave në fuqi me bankat e përzgjedhura në listë.

Neni 26

Faza e dytë – vlerësimi i ofertave ekonomike

Përzgjedhja e bankës agjente në ngjarjen e sigurimit

1. Përzgjedhja e bankës agjente nga lista paraprake kryhet kur Këshilli Drejtues i Agjencisë autorizon Komisionin e Përhershëm të Vlerësimit për fillimin e procedurave sipas këtij neni. Në këtë vendim përcaktohet edhe fondi limit i pagesës së bankës agjente për shërbimin e ofruar, sipas propozimit të Komisionit të Përhershëm të Vlerësimit. Ky fond është i zbatueshëm nëse asnjë nga ofertat që do të paraqiten nga bankat e përzgjedhura nuk përfaqësojnë ofrimin e shërbimit falas.

2. Kjo fazë fillon me dërgimin e kërkesës për ofertë ekonomike bankave të përfshira në listën paraprake dhe përfundon me marrjen e vendimit nga Këshilli Drejtues i Agjencisë për përzgjedhjen e bankës agjente fituese.

3. Komisioni i përhershëm i vlerësimit përpara marrjes së ofertave ekonomike, nëse e gjykon të arsyeshme, mund të verifikojë përmbushjen e kriterëve të përgjithshme dhe teknike nga bankat e përfshira në listën paraprake sipas pikës 6, të nenit 24, të kësaj rregulloreje.

4. Drejtori i përgjithshëm nënshkruan kërkesën për ofertë që i dërgohet bankave të përfshira në listën paraprake.

5. Komisioni i përhershëm i vlerësimit, nëse e gjykon të arsyeshme, kryen negociime me bankat për sqarimin dhe përmirësimin e kushteve të kontratës; të mënyrave të kalimit të mjeteve monetare të Agjencisë; të listës së degëve dhe



pikave të pagesës të bankës; si dhe të metodologjisë së kryerjes të shërbimit dhe përbërjen e stafit, i cili do të marrë pjesë në procesin e kompensimit.

6. Bankat paraqesin ofertat ekonomike për shërbimin e kompensimit të depozitave brenda afatit të përcaktuar në njoftimin e komisionit të përhershëm të vlerësimit.

7. Komisioni i përhershëm i vlerësimit i paraqet për shqyrtim Këshillit Drejtues raportin e vlerësimit, në të cilin klasifikohen sipas rendit zbritës ofertat e paraqitura. Banka që vlerësohet se ka paraqitur ofertën ekonomikisht më të favorshme sipas aneksit 4 të kësaj rregulloreje, renditet e para.

8. Këshilli Drejtues merr vendim për përzgjedhjen e bankës agente vetëm pasi njoftohet me shkrim nga Autoriteti Mbikëqyrës për vendosjen e subjektit në likuidim të detyruar. Ky vendim përcakton mënyrën e pagesës së kompensimit, pagesën e bankës agente (nëse ka), mënyrën e kalimit të mjeteve monetare të Agjencisë për kompensimin e depozitave etj.

9. Këshilli Drejtues kur e vlerëson të arsyeshme mund të përzgjedhë më shumë se një bankë agente nga lista paraprake.

10. Bankës/ve agente fituese i dërgohet autorizimi për kompensimin e depozitave, jo më vonë se dita e nesërme e punës nga marrja e vendimit të Këshillit Drejtues.

11. Vendimi i Këshillit Drejtues për përzgjedhjen e bankës/ave agente hyn në fuqi menjëherë dhe shpallet në faqen zyrtare të internetit të Agjencisë.

12. Në rast se banka/at agente fituese shkel kushtet e kontratës ose tërhiqet, Këshilli Drejtues i Agjencisë merr vendim për zëvendësimin e saj, duke përzgjedhur bankën agente që renditet e dyta në vlerësimin përfundimtar.

Neni 27

Përzgjedhja e subjekteve mbështetëse

1. Subjekte mbështetëse që ofrojnë shërbime dhe mallra për përgatitjen dhe kompensimin e depozitave mund të jenë: shërbime për zhvillim dhe mirëmbajtje të SIRK-së dhe platforma të tjera elektronike; shërbime kontabiliteti dhe mbështetje për veprimet me listëpagesën e kompensimit, shërbime auditimi, shërbime ligjore; qendër thirrjesh telefonike (*call center*);

shërbime konsulence profesionale; shërbime financiare; shërbime vlerësimi për rimarrje, shërbime ndërmjetësimi dhe pajtimi, shërbime të ruajtjes fizike.

2. Njësitë organizative të Agjencisë i paraqesin drejtorit të përgjithshëm propozimin për kontraktimin e subjekteve mbështetëse nëpërmjet studimit të tregut mbi vlerat limit të kontratave, specifikimet teknike, termat e referencës dhe kriteret e kualifikimit. Përcaktimi i fondit limit bazohet në shumën e plotë të pagueshme pa TVSH në tregun vendas dhe nëse gjykohet e nevojshme në shumën e pagueshme nga skemat homologe të sigurimit të depozitave.

3. Drejtori i përgjithshëm, bazuar në propozimin e njësive organizative të Agjencisë, i kërkon Këshillit Drejtues dhënien e autorizimit për fillimin e procedurave për përzgjedhjen e subjekteve mbështetëse. Vendimi i Këshillit Drejtues përcakton kategoritë e subjekteve mbështetëse për të cilat do të kryhen procedurat e përzgjedhjes dhe fondet limite përkatëse për çdo kontratë.

4. Këshilli Drejtues me propozim të drejtorit të përgjithshëm vendos për marrjen e shërbimeve dhe mallrave sipas pikës 1 të këtij neni, nga subjektet që janë ose kanë qenë të kontraktuara nga Agjencia, pa kryer procedurat e përzgjedhjes, kur gjykohet se përmbushja e detyrimeve prej tyre ka qenë e kënaqshme.

5. Subjektet që ofrojnë mallra dhe/ose shërbime të ndryshme nga ato të përcaktuara në pikën 1 të këtij neni (mirëmbajtje, kancelari, transport, konferenca, karburant, shërbime postare, trajnime, akomodime stafi, tryeza të rrumbullakëta, linja telefonike pa pagesë, materiale informative dhe promocionale etj.), kontraktohen drejtpërdrejt me urdhër të drejtorit të përgjithshëm, sipas propozimit të sektorit përkatës të Agjencisë, në procesin e kompensimit sipas kreut III të kësaj rregulloreje.

Neni 28

Vlerësimi i subjekteve mbështetëse

1. Drejtori i përgjithshëm i Agjencisë krijon një njësi vlerësimi të subjekteve mbështetëse të përcaktuara në pikën 1, të nenit 27, të kësaj rregulloreje, përveç për rastet në të cilat zbatohet pika 4, e nenit 27, të kësaj rregulloreje. Kjo njësi përbëhet nga 3 persona dhe mund të përbëhet



nga punonjës të Agjencisë dhe/ose specialistë/ ekspertë të fushës.

2. Njësia e vlerësimit i dërgon ftesën për ofertë jo më shumë se 3 (tri) subjekteve mbështetëse të së njëjtës natyrë. Ftesat shoqërohen me kriteret e kualifikimit, udhëzimet, kushtet e kontratës, si dhe çdo informacion tjetër të nevojshëm.

3. Vlerësimi i subjekteve mbështetëse nga njësia e vlerësimit kryhet në përputhje me kriteret dhe procedurat e përcaktuara në aneksin 4 të kësaj rregulloreje.

4. Njësia e vlerësimit harton raportin në të cilin subjektet që përmbushin kriteret e kualifikimit klasifikohen sipas rendit zbritës të ofertave të paraqitura. Subjekti që ka ofruar çmimin më të ulët renditet i pari.

5. Drejtori i përgjithshëm shqyrton raportin e njësies të vlerësimit dhe urdhëron nënshkrimin e kontratës me subjektin fitues për çdonjërin nga kategoritë.

6. Drejtori i përgjithshëm miraton dhe nënshkruan kontratën tip për kryerjen e shërbimeve dhe ofrimin e mallrave, nëse ka, me subjektet mbështetëse.

7. Urdhrat e drejtorit të përgjithshëm për përzgjedhjen e subjekteve janë përfundimtare dhe nuk mund të ankimohen.

Neni 29

Anulimi i procedurave të përzgjedhjes

1. Në përputhje me vendimin e Këshillit Drejtues të Agjencisë ose urdhrin të drejtorit të përgjithshëm sipas kompetencave përkatëse, procedurat e përzgjedhjes anulohen në këto raste:

a) nëse brenda afatit të përcaktuar nuk janë paraqitur dokumentacione ose oferta nga bankat dhe/ose subjektet;

b) nëse mbi bazë të rezultateve të vlerësimit është marrë vendimi për refuzimin e të gjithë bankave dhe/ose subjekteve për shkak të mosplotësimit të kriterëve.

2. Në rastet e anulimit të procedurave sipas pikës 1 të këtij neni, Këshilli Drejtues i Agjencisë ka të drejtë të vendosë, për:

a) ripërsëritjen e procedurave;

b) nënshkrimin e kontratave në mënyrë të drejtpërdrejtë me një bankë ose subjekt mbështetës të përcaktuar në pikën 1, të nenit 27.

KREU V

DISPOZITA PËRFUNDIMTARE

Neni 30

Masat ndëshkimore

1. Agjencia, në rast shkeljeje të dispozitave të kësaj rregulloreje dhe akteve të miratuara prej saj nga likuidatori ose punonjësit e subjektit nën likuidim, i propozon Autoritetit Mbikëqyrës marrjen e masave ndëshkimore.

2. Agjencia, në rast shkeljeje të dispozitave të kësaj rregulloreje dhe akteve të miratuara prej saj nga subjektet mbështetëse, zbaton sanksionet e përcaktuara në kontratën e lidhur.

Neni 31

Plani i veprimit për kompensim

Drejtori i përgjithshëm i Agjencisë miraton, brenda gjashtë muajve nga hyrja në fuqi e kësaj rregulloreje, planin e veprimit, i cili përmban dokumentet tip dhe procedurën e brendshme operationale të Agjencisë për përgatitjen dhe kryerjen e kompensimit të depozitave.

Neni 32

Hyrja në fuqi

1. Kjo rregullore hyn në fuqi 15 ditë pas botimit në Fletoren Zyrtare.

2. Kjo rregullore shfuqizon rregulloren “Për kompensimin e depozitave” dhe udhëzimin “Për procedurat e kompensimit të depozitave të siguruar”, të miratuara me urdhrin të Guvernatorit të Bankës së Shqipërisë nr. prot. 1827, datë 6.3.2008.



ANEKSI 1 LISTËPAGESA

Për individët

Nr.	Përshkrimi	Koment
1	Kodi unik i depozituesit në bankë/SHKK	Sipas të dhënave në bankën/SHKK-në nën likuidim të detyruar
2	Emri	Emri
3	Atësia	Atësia
4	Mbiemri	Mbiemri
5	Mbiemri përpara martese	Mbiemri përpara martese
6	Gjinia	Gjinia
7	Lloji i dokumentit të identifikimit	1. Kartë identiteti
		2. Pasaportë
		3. Të tjera
8	Numri personal i identifikimit të depozituesit	Numri unik i identifikimit sipas dokumentit të identifikimit
9	Numri i dokumentit të identifikimit	Numri i dokumentit të identifikimit
10	Data e lëshimit të dokumentit të identifikimit	Data e lëshimit të dokumentit të identifikimit
11	Data e skadimit të dokumentit të identifikimit	Data e skadimit të dokumentit të identifikimit
12	Datëlindja	Datëlindja
13	Adresa	Adresa
14	Numri i telefonit	Numri i telefonit
15	E-mail	E-mail
16	Shuma e kompensimit	Shuma totale për t'iu kompensuar depozituesit
17	Data e dërgimit të listëpagesës	Data e dërgimit të listëpagesës

Për tregtarët dhe shoqëritë tregtare

Nr.	Përshkrimi	Koment
1	Kodi unik i depozituesit në bankë/SHKK	Sipas të dhënave në bankën/SHKK-në nën likuidim të detyruar
2	Emri i subjektit	Emri i subjektit
3	Numri unik i identifikimit të subjektit	NIPT
4	Data e regjistrimit të subjektit	Sipas ekstraktit të QKR-së
5	Forma ligjore	TR, SHA, SHPK, SHK, SHKM
6	Adresa	Adresa
7	Numri i telefonit	Numri i telefonit
8	E-mail	E-mail
9	Shuma e kompensimit	Shuma totale për t'iu kompensuar subjektit
10	Data e dërgimit të listëpagesës	Data e dërgimit të listëpagesës

ANEKSI 2

DEKLARATA E PËRPUTHSHMËRISË SË TË DHËNAVE

Me anë të kësaj shkrese deklarojmë se informacioni i dhënë në formatin standard të skedarëve të përcaktuar me vendim të Këshillit Drejtues të Agjencisë u përgatit dhe u paraqit në Agjenci në përputhje me kërkesat e ligjit për sigurimin e depozitave, i ndryshuar, dhe të rregullores për kompensimin e depozitave.

Njësia që e përgatit informacionin dhe njësia që e monitoron këtë informacion sigurojnë vërtetësinë e regjistrimit të transaksioneve dhe se informacioni i dhënë Agjencisë në Formatin Standard të Skedarëve, në dijeninë e tyre më të mirë është i vërtetë dhe i saktë. Sistemet e përpunimit të të dhënave përpunohen me kërkesat e Agjencisë.

ANEKSI 3

PROCEDURA E PAGESËS SË SHUMËS SË KOMPENSIMIT

A. Paga e kompensimit për depozituesit individë

1. Paga e kompensimit kryhet nëpërmjet verifikimit konkret të identitetit të individit, si dhe të dhënave të dokumenteve të identifikimit (pasaportë biometrike ose kartë identiteti) si vijon: emri, mbiemri, numri personal i identifikimit.

2. Pas konfirmimit të identitetit të depozituesit që përfiton kompensim, banka agente, foto-kopjon dokumentin e tij të identifikimit, plotëson të dhënat e munguara në listëpagesë dhe lëshon një vërtetim/mandat për pagesën e kompensimit, në të cilin përcaktohet vlera e parave që tërhiqet ose kalohet në një llogari tjetër bankare. Kopja e këtij



vërtetimi/mandati dërgohet në Agjenci.

3. Me nënshkrimin e vërtetimit nga depozituesi dhe punonjësi përgjegjës kryhet edhe pagesa e kompensimit ose kalon për ekzekutim urdhri për transferimin e parave në llogarinë e përcaktuar nga depozituesi.

4. Në rast të pretendimit të pagesës për kompensim nga i mituri nga 14 deri në 18 vjeç për pagesën e kompensimit, duhet të paraqitet miratimi i përfaqësuesve ligjorë i noterizuar (prindërve, birësuesve, kujdestarëve) për paraqitjen individuale të të miturit për përfitimin e kompensimit.

5. Pagesa e shumës për kompensim në rastet kur përfituesi është i mitur mund të bëhet nëpërmjet transfertës në një llogari tjetër bankare e krijuar nga prindërit apo kujdestarët ligjorë të të miturit në emër të këtij të fundit. Pagesa në ndonjë formë tjetër do të jetë e mundur vetëm pasi të paraqitet vendimi i Gjykatës për lejimin e një veprimi të tillë.

6. Dokumentet e paraqitura nga përfaqësuesi ligjor i të miturit përfitues i depozitës, janë:

a) certifikatë lindjeje e të miturit përfitues i depozitës – për prindërit;

b) certifikatë lindjeje e të miturit të birësuar (bijësuar) – për birësuesit;

c) vendimin e organit të kujdestarisë dhe përkujdesjes për përcaktimin e kujdestarit të të miturit – për kujdestarët;

d) dokumentin identifikues të të miturit.

7. Pagesa e shumës për kompensim për personat me zotësi të kufizuar për të vepruar, përveç atyre të përcaktuar në pikat e mësipërme, si dhe personat që nuk kanë zotësi për të vepruar kryhet vetëm kur jepet miratim me vendim të Gjykatës, me përjashtim të rasteve kur pagesa realizohet me transfertë në llogarinë bankare të këtyre personave në një bankë tjetër.

8. Dokumentet e paraqitura nga përfaqësuesi ligjor i depozituesit, që është me zotësi të kufizuar ose pa zotësi për të vepruar, janë:

a) dokumenti identifikues i depozituesit me zotësi të kufizuar (pa zotësi) për të vepruar;

b) vendimi i organit të kujdestarisë ose përkujdesjes që e njeh depozituesin si person me zotësi të kufizuar (pa zotësi) për të vepruar dhe vendimi për caktimin e kujdestarit.

9. Në rastin kur për përfitimin e depozitës, paraqitet personi i autorizuar, duhet kryer edhe verifikimi i identitetit të personit të autorizuar,

përveç identitetit të depozituesit autorizues. Personi i autorizuar paraqet edhe prokurën origjinale ose kopje të noterizuar. Prokura e përfaqësuesit të depozituesit duhet të përmbajë të dhënat e dokumentit identifikues të depozituesit. Për prokurat e hartuara jashtë territorit të Republikës së Shqipërisë, duhet të vendoset apostili i legalizuar nga përfaqësia diplomatike ose konsullore e Republikës së Shqipërisë, nëse nuk parashikohet ndryshe në marrëveshjen ndërkombëtare përkatëse. Prokura dhe apostili të hartuara në gjuhë të huaj, duhet të shoqërohen me përkthim të noterizuar në gjuhën shqipe. Nëse noteri nuk zotëron aftësi për të përkthyer një gjuhë të përcaktuar në shqip, përkthimi mund të bëhet nga një përkthyes, vërtetësia e nënshkrimit të të cilit noterizohet nga noteri.

10. Pagesa e shumës për kompensim për trashëgimtarët kryhet vetëm nëse paraqitet vendimi i Gjykatës për njohjen e titullit të trashëgimtarit, si dhe vendimin e Gjykatës për ndarjen e trashëgimisë ose marrëveshjen për ndarjen e trashëgimisë në formën e aktit notarial. Nëse në dokumentet e paraqitura nga individët, mungojnë të dhënat identifikuese për depozituesin, të dhënat konsiderohen të vërtetuara nëse të dhënat e listë pagesës përputhen tërësisht me të dhënat e dokumentit të trashëgimisë që vërteton të drejtën e individit për trashëgimi.

11. Në rastet kur titullari me të drejta të plota i depozitës ka vdekur përpara/pas vendosjes së subjektit nën likuidim dhe ky fakt nuk ishte i njohur për likuidatorin në kohën e përgatitjes së listëpagesës, banka agjente nuk kryen pagesën, por kërkon nga Agjencia rishikimin e listës për rastin në fjalë. Agjencia, pasi përcakton listën e personave të autorizuar për tërheqjen e shumës për kompensim, e plotëson atë duke përfshirë në të trashëgimtarët e depozituesit që ka vdekur (*mortis causa*).

B. Pagesa e kompensimit për depozituesit tregtarë dhe shoqëri tregtare

1. Pagesa e kompensimit për depozituesit tregtarë dhe shoqëritë tregtare kryhet nëpërmjet paraqitjes së dokumenteve vijuese:

a) Ekstraktit origjinal nga Qendra Kombëtare e Regjistrimit të tregtarit/shoqërisë tregtare, i cili mban datë jo më të hershme se 10 ditë nga paraqitja për përfitimin e kompensimit; për subjektet që janë regjistruar jashtë duhet të paraqitet vërtetimi i regjistrimit, i përkthyer dhe i



legalizuar nga shërbimi konsullor i Ministrisë së Punëve të Jashtme të Republikës së Shqipërisë, i cili mban datë jo më të hershme se 10 ditë nga paraqitja për përfitimin e kompensimit.

b) Certifikata e regjistrimit të tregtarit/shoqërisë tregtare në organin tatimor, që vërtetohet nga noteri për njehsimin me origjinalin jo më herët se 10 ditë nga paraqitja për përfitimin e kompensimit;

c) Autorizimin nga administratori i subjektit për kalimin e shumës së kompensimit në një llogari bankare të tij. Emri i personit që nënshkruan autorizimin duhet të jetë i përfshirë në ekstraktin e QKR-së. Në këtë autorizim përcaktohet detyrimisht IBAN-i dhe emri i saktë i bankës në të cilën do të derdhet shuma e kompensimit.

d) Paraqitjes së të dhënave dhe dokumenteve të identifikimit (pasaportë biometrike ose kartë identiteti) të individit që paraqet autorizimin/formularin për kalimin e shumës së kompensimit.

2. Pas dakordësisë së depozituesit që përfiton kompensim, banka agjente, e pajis atë me dokumentin që konfirmon pagesën në të cilin përcaktohet vlera e parave që kalohet në një llogari tjetër bankare dhe një kopje e këtij dokumenti dërgohet në Agjenci.

3. Pas konfirmimit të identitetit të depozituesit që përfiton kompensim, banka agjente, administron dokumentet e paraqitura, fotokopjon dokumentin e identifikimit të personit të paraqitur, plotëson të dhënat e munguara në listëpagesë, si dhe lëshon një vërtetim për pagesën e kompensimit, në të cilin përcaktohet vlera e parave që kalohet në një llogari tjetër bankare. Kopja e këtij vërtetimi dërgohet në Agjenci.

4. Me nënshkrimin e vërtetimit nga depozituesi dhe punonjësi përgjegjës, kryhet edhe pagesa e kompensimit ose kalon për ekzekutim urdhri për transferimin e parave në llogarinë e përcaktuar nga depozituesi.

5. Me nënshkrimin e dokumentit nga depozituesi dhe punonjësi përgjegjës, kalon për ekzekutim urdhri për transferimin e parave në llogarinë e përcaktuar nga depozituesi.

- Nuk ndikon në rezultatin e verifikimit të të dhënave:

a) Rezultati i verifikimit të këtyre elementeve, si: mbiemri, atësia dhe mbiemri, pranohen nëse nuk përputhen jo më shumë se dy shenja gjatë shkrimit të tyre. Për shembull, Artan – Artin, Mariana – Marjana, Baci – Baçi, Nerenxa – Nerënxa.

b) mospërputhja e shkronjave “e” dhe “ë”, “c” dhe “ç”, “E” dhe “Ë”, “C” dhe “Ç” në shkrimin e emrave dhe mbiemrave;

c) mënyra e shkrimit të emrave (mbiemrave) të dyfishtë, në përputhje me zakonet vendase (për shembull, Paulin at Shtjefni). Në këto raste, mund të përdoren shkronjat e vogla ose të mëdha, të përfshihet ose të hiqet “-” dhe “ ’ ”, të ndryshohet shkronja me qëllim që të përshtatet me një element të përdorshëm të emrit, i cili nënkupton gjininë ose vendin.

6. Banka agjente i bashkëlidh listëpagesës të gjithë dokumentacionin justifikues për kryerjen e pagesës së kompensimit të paraqitur nga depozituesi ose të tretë në emër të dhe/ose për llogari të tij.

ANEKSI 4

KRITERET E KUALIFIKIMIT

1. Kriteret e përgjithshme të përzgjedhjes të bankave dhe subjekteve mbështetëse

1. Agjencia kualifikon subjektet dhe bankat, nëse ato përmbushin këto kriteret të përgjithshme.

2. Subjektet dhe bankat duhet të dorëzojnë dokumente origjinale ose të noterizuara, të lëshuara jo më parë se tre muaj nga dita e hapjes së procedurës si vijon:

a) vërtetim që banka/subjekti nuk është në proces falimentimi (kujdestarie), (statusi aktiv);

b) vërtetim që banka/subjekti (administratorët e tyre) nuk është dënuar për shkelje penale;

c) vërtetim që banka/subjekti (administratorët e tyre) nuk është dënuar me vendim të gjykatës së formës së prerë, që lidhet me aktivitetin e profesional;

d) vërtetim që banka/subjekti ka plotësuar detyrimet fiskale, të lëshuar nga administrata tatimore;

e) vërtetim që subjekti ka paguar të gjitha detyrimet e sigurimeve shoqërore, të lëshuar nga administrata tatimore.

2. Kriteret teknike të vlerësimit Pikët të bankave

i) Numrin e degëve dhe pikave të pagesës dhe veprimet me kasë së bashku me shpërndarjen gjeografike të tyre. [30%]

ii) Aftësitë teknike për kryerjen e pagesave, në veçanti për sistemin IT, i cili të jetë i pajisur me një bazë të dhënash që përditësohet çdo 24 orë, [20%]



mundëson transfertat e drejtpërdrejta elektronike të parasë, si dhe me para në dorë, degët dhe pikat e pagesës *on-line*.

iii) Sisteme efektive kontrolli dhe të auditit të brendshëm për mbrojtjen e veprimeve me *cash*. [15%]

iv) Aftësia për të raportuar në çdo kohë pranë Agjencisë, në veçanti raportimi për paraqitjen unike të depozituesit “Single Customer View”. [10%]

v) Gatishmëria dhe aftësia për të filluar kompensimin e depozitave brenda 2 (dy) ditëve pune pas njoftimit të Agjencisë. [20%]

vi) Gatishmëria për të pritur fluksin e depozituesve dhe për pranimin e dokumentacionit të tyre, kapacitete njerëzore dhe profesionale për të përpunuar ankesat. [5%]

TOTAL (propozimi teknik) 100%

Minimumi i pikëve të propozimit teknik për t'u përfshirë në listën paraprake është 70%.

Fituese përzgjidhet banka agjente, e cila është vlerësuar me maksimumin e përqindjes për propozimin teknik dhe ka paraqitur ofertën ekonomike falas ose me çmimin më të ulët. Në rastin kur dy banka agjente janë vlerësuar me përqindje të njëjta më të larta të propozimit teknik, fituese do të përzgjidhet banka agjente, e cila ka paraqitur ofertën ekonomike falas ose me çmimin më të ulët. Oferta ekonomike paraqitet në vlerë në lekë.

C. Kriteret teknike të përzgjedhjes të subjekteve mbështetëse

Subjektet mbështetëse, kualifikohen, pasi të kenë përmbushur kriteret e mëposhtme, që Agjencia i vlerëson të nevojshme, për sa kohë që ato janë në përpjesëtim me natyrën dhe përmasat e kontratës dhe jodiskriminuese:

i) kualifikimi profesional: subjektet paraqesin licencat profesionale, industriale apo tregtare, të lëshuara nga autoritetet kompetente shtetërore, për veprimtaritë e kërkuara dhe për të cilat do të lidhet kontrata;

ii) aftësia teknike: subjektet vërtetojnë se zotërojnë kualifikimet e nevojshme teknike, profesionale, kapacitetet organizative, makineritë, pajisjet e asete të tjera fizike, aftësitë organizative, reputacionin dhe besueshmërinë, përvojën e duhur,

kontrata të ngjashme të shërbimit të kërkuar, si dhe personelin e nevojshëm, për të zbatuar kontratën;

iii) gjendja ekonomike e financiare: subjektet vërtetojnë se zotërojnë kapacitetet ekonomike e financiare për të përmbushur kontratën, me anë të deklaratave bankare ose, kur nevojitet, nëpërmjet vërtetimit për sigurim ndaj rreziqeve profesionale, paraqitjes së bilanceve financiare ose të pjesëve të shkëputura nga bilancet, një deklaratë të xhiros së përgjithshme të subjektit dhe, në rast nevojë, të xhiros së realizuar për një periudhë deri në 3 vitet e fundit financiare.

iv) kapacitetet ligjore: subjektet vërtetojnë se ata kanë zotësi juridike për të lidhur kontrata ose, në rastet e bashkimit të shoqërive, vërtetojnë se i gëzojnë këto aftësi në kohën e lidhjes së kontratës.

Procedura e vlerësimit të bankave dhe subjekteve mbështetëse

A. Vlerësimi për kriteret e përgjithshme dhe teknike

1. Anëtarët e komisionit/njesisë të vlerësimit deklarojnë konfliktin e interesit dhe përmbushin gjatë gjithë procedurës detyrimin për ruajtjen e konfidencialitetit.

2. Komisioni/njësia mban procesverbale dhe dokumentacion për zbatimin e procedurave të përzgjedhjes, të cilat të përfshijnë, informacion mbi kërkesat për pjesëmarrje dhe ofertat e paraqitura, kontratat e nënshkruara dhe zbatimin e tyre.

3. Zarfet për pjesëmarrje në procedurën e kualifikimit pranohen dhe hapen njëkohësisht, në prani të anëtarëve të komisionit/njesisë në një ditë të vetme, pas përfundimit të afatit të përcaktuar për dorëzimin e tyre.

4. Zarfet të dorëzuara në komision/njësi përtej afatit të pranimi të tyre, nuk pranohen dhe i kthehen bankës/subjektit përkatës.

5. Nëse komisioni/njësia vëren se banka/subjekti ka mangësi në dokumentacion ata vendosin njoftimin e saj/tij dhe afatin për plotësimin e mangësive. Njoftimi i bankës/subjektit kryhet nga anëtar i autorizuar i komisionit/njesisë. Procesi i vlerësimit pezullohet deri në plotësimin e dokumentacioneve sipas njoftimit të komisionit/njesisë.

6. Komisioni/njësia vlerëson dokumentet e dorëzuara nga banka/subjekti, për përputhshmërinë e këtij dokumentacioni me kërkesat për kualifikim.



7. Si rregull, afati i shqyrtimit të dokumenteve përcaktohet nga komisioni/njësia. Ky afat mund të shtyhet sipas vendimit të komisionit/njesisë duke njoftuar Këshillin Drejtues të Agjencisë/drejtorin e përgjithshëm.

8. Banka/subjekti që nuk i plotëson kriteret, skualifikohen dhe njoftohen për këtë skualifikim brenda shtatë ditësh nga marrja e vendimit.

B. Skualifikimi

1. Agjencia skualifikon çdo bankë/subjekt, që paraqet të dhëna të rreme për qëllime kualifikimi, në çdo kohë deri në fazën e shpalljes së kontratës fituese.

2. Agjencia përjashton nga pjesëmarrja në procedurat e përzgjedhjes çdo bankë/subjekt, kur ka të dhëna se janë të dënuar me vendim gjykatë të formës së prerë për ndonjë nga veprat penale të mëposhtme:

- a) pjesëmarrje në organizatë kriminale;
- b) korrupsion;
- c) mashtrim;
- d) pastrim parash;
- e) falsifikim.

3. Agjencia mund t'i kërkojë çdo banke/subjekti, të paraqesin dokumente dhe, kur ka dyshime, mund t'u drejtohet organeve kompetente për të marrë informacionin e nevojshëm për integritetin dhe gjendjen financiare të subjekteve në fjalë.

4. Vendimi për skualifikimin mund të merret nga Agjencia edhe në rast se:

a) banka/subjekti (ose stafi i tyre) shkelin ligjin për sigurimin e depozitave, i ndryshuar, dhe aktet nënligjore në fuqi;

b) ka mospërputhje së bankës/subjektit me kriteret dhe kërkesat e Agjencisë të evidentuar gjatë verifikimit dhe raportimit;

c) banka/subjekti nuk ka përmbushur në mënyrë të kënaqshme kontratat e mëparshme me Agjencinë.

5. Vendimi për skualifikimin e bankës/subjektit merret nga Këshilli Drejtues i Agjencisë/drejtorin e përgjithshëm sipas propozimit të komisionit/njesisë të vlerësimit. Njoftimi për këtë i dërgohet bankës/subjektit jo më vonë se 7 ditë pune nga data e marrjes së vendimit përkatës.

VENDIM

(i shkurtuar)

Gjykata e Rrethit Gjyqësor Tiranë, me vendimin nr. 4774, datë 7.7.2016, vendosi shpalljen të zhdukur të shtetasit Denis Jangulli, i biri i Avniut dhe i Nailes, i datëlindjes 23.1.1985, lindur në Dibër, Peshkopi, dhe me vendbanim në Tiranë, si dhe caktimin si kujdestare të pasurive të tij, bashkëshorten e tij, Joana Llozhi.

	Formati 61x86/8
--	-----------------

Shtypshkronja e Qendrës së Botimeve Zyrtare
Tiranë, 2016

Adresa:
Bulevardi “Gjergj Fishta”
pas ish-Ekspozitës “Shqipëria Sot”
Tel: 042427005, 04 2427006

Çmimi 308 lekë